

城口廳志卷之二十

藝文志

藝文作志創自班氏而後世史家因以為例然亦不過條其篇目撮其意旨而已明楊升庵作全蜀藝文志始採摭篇什臚列詩古文辭以變其例而修志乘者又多仿之城口學校初興人文寥落且囿於偏隅不通孔道騷人墨客藝苑名流罕至其境以故著作無聞題詠亦少洪維我

朝武成大定文命誕敷教匪削平

城口廳志

卷二十

藝文

十四

天章誌喜邊隅僻壤幸邀

宸題頌德歌功咸欽

廟算恭錄篇首永彰

聖謨仰見教化涵濡無遠弗屆其餘詩文誌傳或見於舊志或採於他集或勒於金石凡有關於廳境山川風土政教者皆附於末亦可以備異日考証之資

馬志藝文



藝文志

宸章

皇上御製文

邪教說

先聖王以道德仁義禮樂刑政裁成輔相化育萬方使  
民日趨於正道恐為邪說所誘也自二氏行於中國始  
有釋教道教之名因其說亦皆吾儒所撰大旨亦精微  
元妙勸人為善戒人為惡輔翼王化無大差謬是以聖  
帝明王姑存此類不加泐汰至於白蓮教之始則為臨

城口廳志

卷二十

藝文

十五

錢或象假燒香治病為名竊佛經仙籙之語衣服與齊  
民無異又無寺宇住持所聚之人皆失業無賴之輩所  
以必流為盜賊是又僧道之不若矣然天下之大何所  
不有苟能安靜奉法即燒香治病原有惻怛之仁心在  
朝政之所不禁若藉此聚眾弄兵漸成叛逆之大害則  
王法之所不容故查拏之始原因逆謀之一二人如劉  
松宋之清劉之協首犯耳劉松宋之清皆已伏法茲未  
株連而劉之協自扶溝脫逃所緝者仍此一犯而地方  
官有奉行不善者有苛求圖利者胥役衙書四出滋擾



閭閻無賴借事吹求將正犯反置於不問妄拏無辜名  
曰欲辦白蓮教以致起於襄陽由豫入陝而川省達州  
徐添德王三槐亦乘時蠢動互相勾結自此遂東奔西  
竄疲我官兵害我良民傷心慘目實難備書現今賊營  
中非盡教匪也亂民乘勢圖劫掠耳夫官軍所誅者叛  
逆也未習教而抗拒者殺無赦習教而在家持誦者原  
無罪也卽如劉之協雖爲白蓮教教首其未謀逆以前  
若俯首就擒其罪僅止發遣耳脫逃後至湖北糾約姚  
齊二逆竝同教人等定於長年辰月辰日辰時起事是

真叛逆斷不可赦矣起事後伊又潛往豫省漏網七年  
之久若從此安靜匿藏原可俾免孰意又糾約李傑等  
由寶邨起事此由罪大惡極天神共憤使之自投法網  
得正憲章豈人力哉故白蓮教與叛逆不同乃顯而易  
見之理設若賊營中有一二僧道豈盡行泐汰二氏乎  
有一二生員豈遂廢科舉之典乎然則白蓮教之爲逆  
者法在必誅其未謀逆之白蓮教豈忍盡行勦洗耶白  
蓮教與叛逆不同之理既明則五年以來所辦理者一  
叛逆大案也非欲除邪教也然聚斂歛錢終流爲不靖



是在良有司實心訓導宣揚正學漸仁摩義蹈矩循  
化其暴戾易俗移風庶幾小康民安本業朕實有厚  
焉

皇上御製詩

平定教匪誌喜聯句有序

却走馬以安民七載始成於戈戢迅際駒而篤慕四年  
稍慰於

弓遺心繼

志述

城口廳志

卷二十

藝文

十七

事之殷既克有定有遺大授艱之任其敢弗震太平傳臘

鼓之聲大定先去聲春雷之報五兵銷錄八穀宣饒粵厥

蓮教興祇莠民作慝起自元明之代下於晉祖之儔執

王政之四誅必除左道肆周官之三宥僅昇北投火何

炷香斗米之流竟敢魚帛狐篝之詭黨推老教皆首起

於襄陽執訊賊渠多事發戍徒先膺刑於隆德劉松以下事

詳各詩注傳之清宋者之協劉弟欲屠師冒廷詔者廷章王

廷章即父甘鬻子紅何為而罩眼丹竟可以打銀條用墨

於扶溝脫之弧而新野圖形帖壁久勞海捕之文作眼



排人幾漏淵通之網逮禁縣快符於後事告

橋山炯燭於

先幾當其豺宍厲而負狼鳥潛鳴而召鵬值

舜干之未格聲罪三苗瞰禁幕之偕行乘虛二廣闕然弼  
突蠢爾蠶屯莽易翦而伏戎草難圖而滋蔓每輾轉及  
兩封之界凡浸淫閩五省之交江別爲沱駭風豚之吹  
浪棧連以閣嚇夜虎之夔藩駛順流汚水東頭驀偷度  
嘉陵西岸倏嵩邛之兔脫豫境雙溝漸商雒之鷗張秦  
關四塞終南林老子午谷歧僚駘斜隴上坂長陰陽

城口廳志

卷二十

藝文

十八

平跨階成秦鳳游魂箐底乞命蘆中棄黔赤之安居就  
紅藍之分號偽充掛帥卽下轄乎總兵本爲歛錢沿故  
稱爲掌櫃長矛有手業是鍼工探馬無頭人原騎卒曹  
鴟鵂之夜踞聚蟻蠓以朝飛躡我桑麻燬人茅蔀馬後  
載婦女影羸窮巷兒孫樹上縛儒生聲聞連村雞犬驅  
氓蚩而裹脅面刺蓮花驗賊腊之飽飢腹剗草實方寇  
氛未戢丁溝壑而民哀欲刼數全消申風雷之天討寄  
事權而歸一是在經臣善軍計以甬參俾爲贊畫督以  
封置之大吏遊諸提鎮之良材簡宿衛以領麾禁中李



牧出京卿而轉詭關內蕭何七札能穿掄八旗之子弟  
兩甄齊奮呼三省之爪牙滇黔粵則山國善緣直豫東  
之地風素勁洞寨民毋毀我室團練勇各衛其鄉入塞  
草青羣空焉乘滌江霜白粟泛吳艘所有軍需發帑者  
系億萬計凡經賊過給復者輒四三年驛使遠來曲賜  
之頒十萬曉渠纜獲懸格之賞二千戰功立進三官王  
事予加二等睦亡臣之移孝母有尸獲卹先墓以教忠  
官為葬購級宜容冒夾河洲百有餘三律所必懲梓潼  
水一其可再勿避頭敵毋綴尾追勦與撫左右相須民

城口廳志

卷二十

藝文

十九

非賊報未宜辨軍旅之事水學要惟在賞罰之明仁義  
之師者王以是為綏戡之本每當郵章急遞難籌不俟  
於晨興深思方畧遙傳鼉鼓恒勞於晝接用能易占折  
醜書紀馘魁灌腦地雷謨張正傑則主賓併命當  
陽神礮揚元起陳德本則僧俗駢誅同繫覃士湖張日遞鞞華  
林之耀覃加齊王捕崖而僅喘姚之投石以無生溝斷  
華耀白堖羅其園燔老木陳崇藁街俘到王三喜先  
清其

觴晉之五朝棧道累傳

辨文

痛早

鼎成之二日山窮駱市林

亮

已折而風蕭

占

堰決筍河符







圖必後功貴善成政在養民蠲爾瘡痍之擾治惟察吏  
憐其乳抱之求擇要害增制帥之嚴填伍餉旌鄉兵之  
勇並生並育安分爲田里一夫無貳無虞示意在綏定  
兩字升四川達州清時省戶役禁徵馬而賦車兵後屢  
豐年戒帶牛而佩犢搜山路密更無伏莽之虞哨海令  
通永杜尋柯之患凡此武厯七德庶幾功法

十全憶前皆

訓政之助勞嚮後總

垂慈之佑啟最愴讀已春之

城口廳志

卷二十

藝文

二十一

望捷絕筆如存猶記輟戍歲之聯詩前題始副

戊午春正  
皇考

即擬以平定教匪聯句因露布未  
至暫停見 聖製重華宮詩

予一人曷敢越志莫

侈頌常武之章相小民尚有悛心惟慎思邪教之說

御皇清聲教及邊陲內地頑民孽自滋遠溯元明倡亂

始慈民習教祈福原不必過爲厲禁而聚衆倡亂則法  
所必懲考元史方外傳有白雲會白蓮會之名而藥

城人韓山童先世以白蓮會燒香聚衆鼓妖言謂彌勒

佛下生河南江淮間多信之因起兵播亂終就滅至

明之中年白蓮教屢起爲變山東汶上縣田斌妻連氏

與白蓮僧惠金妖人楊惠煽亂所掠丁壯以藥咒之  
列陣前則懸戰不避死傷治河都御史詹瀚平之四川  
大足縣蔡伯貫以白蓮教挾衆爲亂僞號大唐大寶元  
年破合州大足銅梁榮昌安居定遠壁山七州縣川撫  
劉白強討滅之山東鉅野縣徐鴻儒以白蓮教倡亂破



鉅野鄆城滕縣鄒縣截運河奪糧艘巡撫趙彥討之其  
黨高尚賓縛鴻儒降同時四川白蓮賊洪泉白臺仙等  
為巡撫朱燮元捕擒  
正法俱見後鑒錄

### 近從楚蜀異謀窺

邪教傳布聚於襄陽故後來傳  
訊每以襄陽老教為重其滋事

始在楚則荆州府之枝江宜都在蜀則達州及  
所屬之東鄉太平其後蔓延日眾幾至不可爬梳  
其實始為騙錢終成乞食勢張則豨突村落事急  
則雄竄老林蟻蝨至微蜂蠆有毒於  
日之下膏缺伏鑽自擬誅夷  
黠徒遞煽松清協隆  
逮其種類堪恨亦堪憫耳  
五十九年各省查拏邪教多供傳自宋之清而未  
知宋之清受之劉之協劉之協又受之劉松劉松  
者河南鹿邑人四十年於混元教內犯案發配甘  
肅隆德縣先收安徽太湖縣劉之協為徒五  
三年來探其師商復舊教改為三陽教將舊混元  
點化經改為三陽了道經靈文改為口訣猶恐不

## 城口廳志

### 卷二十

藝文

二十二

能給象欲覓一人捏名牛八偽稱明齋又指劉松  
之子四兒為彌勒佛轉世保輔牛八入教者可免  
水火刀兵諸厄斂錢為根基錢又出打丹銀彙送  
劉松處到日對天焚黃表口誦靈文消災之協又  
收宋之清為徒之清遞傳日眾遂背師別拜河南  
南陽人李三瞎子為師謂其子卯金刀將來大貴  
將之協教內人勾去之協同劉四兒至襄陽理論  
之清斥為虛誰曰兒亦以未見牛八惡詰之協尋  
得太和縣人王廷章即廷詔之子十一歲雙喜兒  
作為牛八送隆德與劉松見面復稱往襄陽見之  
清自此遂無消息嗣宋之清破案逮訊劉松均  
論如律是時之協方在逃而逆案已先定矣  
戶分傳巴達夔與湖北監利縣人陳金王光玉兄弟  
師學習邪咒經語金玉兄弟在竹谿縣種地接壤  
四川大壺縣傳教頗廣嗣川省發案恣拏金玉得  
信透匿差役獲光玉送縣中途遇免脫扶溝頻越  
兩榜喊救逞兇殺差旋拏獲治罪



屋有劉起榮者太和人傭於襄陽識劉之協叙為  
舞陽縣縣役見其蹤跡詭秘誰何之起榮自認行  
竊會扶溝縣有客民謝萬山被劫數符船戶係劉  
姓方通緝遂解扶溝知縣劉清龔之協既到清龔  
劉之協給銀令購綿細關扶溝提之協既到清龔  
以為竊案循例取保會楚蜀捕教匪正急同教郭  
彥忠知其事通信同逃至太和八丈溝而別云欲  
往史有義家拘記有義供至伊家一宿而去後遂  
不知所往下各省圖形購募卒無獲宿而後遂  
雒學葉縣尚留旗居新野孫郭里集同張傑家  
地方官挨戶查緝則從比鄰梭織偷竊越益以匿  
其跡捕益急遂與張漢潮姚之宮齊王氏等同謀  
為逆約以嘉慶元年三月初十日宮齊王氏等皆長  
糾眾起事繼因杖江宜都聶傑人張正漢林之華  
等已於正月十一日焚掠村莊二月初當陽楊起  
元亦起是以不待期先發黥賊復慮事敗受擒不

城口廳志

卷二十

藝文

二十三

入賊營但於鄧州星野間散地面同教人家藏身  
湖北教匪皆其所傳四出邀約五年六月實豐縣  
李兵為逆布政使馬慧裕平之其事具下文賊寨  
天王劉之協旗而之協先出欲往湖北合賊道由  
葉縣知縣廖寅詰獲解京鞫出逃後情事凌遲  
處死該犯初逸時不過逾逃一夫其始出羣醜皆  
嚴切期以必獲時越六年終伏其辜始信  
該犯一人勾扇狡獪恃亂情堪切齒起楚蜀而會  
先幾之哲見蔓延五省荆鈎棘則魚爛敗則獸散  
於未形也自楚而豫自陝而甘白甘而  
流轉靡定自楚而豫自陝而甘白甘而  
蜀越呂堰雙溝出朱陽荆子關上秦嶺入南北棧  
渡漢沔踰陰平擾巴山漁渡逾白水江驀梓潼水  
山皮夔巫鄖竹商雜之間而以南山為巢窟不傍  
城郭惟劫村塢遇官軍數奔獸散駭走恃老林為  
藏身之固東至於唐鄧西至於松潘北至於禮縣  
南至於孝感有經賊再三者神威經武噪集  
臨之以雷霆照之以日月卒就漸滅無遺



羣奸梟附邪教以革分為尊卑其掌教者稱師  
 所轄為總兵先鋒詞事者為探馬頭耐戰者為不  
 子手分青白黃藍號而來往糾眾者為線字號始  
 不過教中人積久而無賴不法者闖入其中如四  
 川之噶嚕子南山之老戶襄鄖之柵民沿江私鹽  
 之梟各省私鑄之犯乘間作孽非必盡係教匪也  
 其裹脅之人久而習慣玩法亦有甘心從逆者然  
 而安分蚩氓一旦蕩析離居家燬中厲禁逃者即  
 不得已隨賊奔走所在多有故賊中厲禁逃者即  
 斬且有面刺蓮花銀鐺連繫者良民陷罟無可如  
 何足徵朝廷涵養之深天慈每加惻憫者  
 也來復七年剛度劫湖北教匪首禍於丙辰正月四  
 川教匪起事距今永清大貞師百戰各擒詞兵以  
 定首尾七年臣永清大貞師百戰各擒詞兵以  
 來行關將帥仰尊廟謨封疆大吏恪遵  
 睿訓起灌灣腦獲聶傑止誅苟文明勦撫並用

俘馘踵來賊渠凡百數十人咸懸藁街而築京觀  
 雖胥安謹攝其戰績之半軍顯行纒恨張師父  
 乃胥安謹攝其戰績之半軍顯行纒恨張師父  
 謀之勝者分段擲句於左張正謨糾約因湖北各  
 營官兵調往湖南征苗乘虛起釁集匪徒於校  
 江等處肆行搶劫巡撫惠齡在荆州經理軍需即  
 帶兵馳往由江家壩追至灌灣腦駐太和山扼其  
 要害賊暗於深冲口鳳凰山憑險踞守我兵分路  
 進攻無不一以當百正在長驅深入間逆首聶傑  
 人見官兵驟至料難逃竄即同匪夥熊太山等五  
 人自山奔下直至軍前叩頭納命訊據供伊子聶  
 池向拜張憲文為師張正謨起意謀為不軌現在  
 同教二千餘人一時解散將該犯解京  
 廷訊匪爛猶誇李大兒宜都縣人向暉明隨張正  
 正法匪爛猶誇李大兒謀起事為其心腹頭目三  
 月初三日為兵勇擒獲訊供於上年四月從劉盛  
 才入教會說山西岳陽縣有李大兒為主助其成



事會同正謨往山西見過兩手有日月字頭禿  
爛偽作鳩啞向其傳述正月十一日在聶傑人家  
率眾拒捕搶糧往江家壩又移灌灣腦裏脅近村  
勇婦眾及萬餘等語即解京同聶傑人  
廷訊正法其子逢太逢盛婿陳士登俱習教從逆  
劫掠多次供於該處正法其李犬兒下山西巡撫  
蔣兆奎親往戶蛇縱禦鎗言妄誕賊踞灌灣腦官  
緝並無其人云  
十六日分兵成德由黃家莊進攻富志那於獅眠  
坳埋伏丑刻進發至山半賊已覺山巔鳴金賊盜  
起擲石拋火彈我兵用擋牌遮護奮上相持惠齡  
密遣取便道至洞後焚其麥積烟燄接天兵勇直  
登城亂奔見白衣賊手執一物號召松死不退成  
德手發烏鎗應聲而仆眾始竄去訊據縛賊云白  
衣乃頭目劉盛鳴手執銅頭鐵蛇平時詭象臨陣  
舞動不懼鎗斃其矯誣多類此先一日官兵於獺  
洞獲苗明魁亦賊渠在楊樹坪敗逃匿獺洞移往

城一廳志 卷二十

藝文

二十五

瑯坪投林之華 巫能召魅術支離 來鳳絲巫師胡  
者 百永璘 檣煽誘於二月十五日在唐貴家  
於聽襄陽王掌櫃煽誘於二月十五日在唐貴家  
祭刀起事三日內聚眾二三萬攻擾來鳳投旗鼓  
寨大教頭田谷穀入夥其寨週千餘里掘溝丈餘  
樹木城造經堂因正中能降神羣推為首川兵屢  
攻不下六月十八日分路圍勦鏖戰兩日一夜賊  
不能支先是有賊安定邦悔罪攜家投出總督福  
益贊其眷屬仍令回巢至戰時定邦伺間稟知正  
中向山溝小路逃副將慶溥聞信逃往埋伏生  
獲正中及母彭氏弟正連斷戮賊 繼城故友餐茶  
不可計數唐貴田答乾續獲正法 繼城故友餐茶  
譎賊據常陽縣城其魁楊起元為五寨總頭日自  
揚宗周與城中軍犯王之亮交好之亮頗有膂力  
賊素所倚信因命宗周潛與通謀誘擒邀賞之亮  
果於六月二十日夜攜眷六人來獻起元首級稱  
是日四更起元前來催令上城抵禦因給至屋內



其茶乘其不備立時斬首布裏絕城改服元戎刻  
印癡門賊退保西北半城依龜背山為巢穴并於  
高牆內加厚二三尺抵死抗拒我兵用大礮顏牆  
三十餘堵焚屋四百餘間七月十二日丁夜直上  
龜背山賊見官兵勢狂盡易青衣匿白號混作良  
民希冀我兵重重圍裏賊級千餘生擒總頭目陳  
德本該犯本為右寨頭目起元授首為眾賊所推  
遂代任其事懷中按出木記一文曰元戎之印解  
京正法又擒著名賊目羅傳禮金加寬劉季時  
楊啟瑞呂華鏘砲之馮百川善放火砲之妖道譚  
復信助逆書後席雲峯黨洗排牆符左道向瑤明  
等數十名克復縣治以張正謨為渠而正謨尚踞  
灌灣腦日夕築石牆二道布鹿角伏地雷守禦甚  
固官軍思所以疲之於八月中旬東西進退輪番  
攻之五晝夜賊備皆弛十七日以五百人持乾草

城口廳志

卷二十

藝文

二十六

噴箭火彈三更後燬之引透地雷響震山谷鹿角  
皆燼四面冒火直上賊於躡崖立石伏身發鎗抵  
拒官兵毀其頭道牆急攻之賊勢瓦解於二道牆  
內跪號乞命軍中有生員益宇盜指認張正謨及  
其用事頭目劉洪鐸即排牆縛出解京訊張正  
謨供其師房縣白培相向說山西李犬兒事劉之  
協為其軍師傳符一道上有負寸長三字隱長春  
觀地名云是後殲賊萬餘人僧廣宣及聶傑人之  
二子灌灣腦蕩恩

御股傷籍稻盜東蕩龍馬山在施南府宣恩縣壁立千  
製等聚眾山內以應旗鼓寒之胡正中福宣等既破旗  
鼓寨遂移師勦之遊擊董宣川先驅於八月十六日馳  
抵山下時晚稻方熟賊以缺糧正欲領眾捨劉民田官  
軍適至薄之登敷傷左腋被搶賊竄回巢城稱悔過投  
誠肅川稟迎福宣至賊大小頭目宋錫文等四十四人  
段賊軍械擄眷屬四千二百餘名口伏地叩頭懇求活



命許其各歸 跳巖絕救身皆腐 達州首逆徐添德於張  
本業安生 乃於馬鞍山普子嶺等處紮木城掘深溝埋鐵籤斷路  
陷守而別遣徐添富年太平縣勾結羽黨黃富才卿有  
義在鞍子坪屯聚期互相接援官兵既於馬鞍山殺賊  
奪卡而遊擊謝開元亦破賊于坪賊屯富才與有義俱  
跳巖 窺菁追擒肉寸皆 徐添富弟達州東鄉太  
身死 事後四出邀約方黃富才卿有義之校巖也添富即窺  
入深林官兵購線知其踪跡追拏格鬥傷重就縛寸磔  
泉示太平縣鞍子坪等處賊匪勦除 三箭連珠貫悍寇  
淨盡十二月二十四日英善等奏報  
丁巳 賊擾襄江北岸官兵痛勦一散奔逃偵知一股  
窺向西南人聚衆多旗幟紛雜惠齡等分兵於正月廿  
八日鼓勇齊進於劉家港殺賊百餘人生擒劉文舉等  
七人訊知姚之富等復招得同教二千餘人現在又分  
三股其逃向西北一股姚之富劉起榮俱在其中等語  
官兵留心緊裹賊且戰且却至鮑家畝二十九日黎明

城口廳志

卷二

藝文

下七

直前圍勦見有頭纏白布手執大旗騎馬賊日一人往  
來號召極爲兇悍頭雲保射中其左臂恒瑞復射其左  
脇賊技箭馳驟如舊慶成又射中腰始落馬被擒令前  
獲之劉文舉及小姑別倫之李孔昭認稱是劉起榮並  
于身畔搜出黃綾一幅一書該犯姓名並經文允語訊  
係劉之協所給并云上年四月曾遣棗陽之貨商趙化  
瓚往河南尋劉之協先是拏獲之楊應邦供有趙貨即  
往來通信之語亦相符合

兩離銜尾報顛頤

十月二十二日額勒登保奏據

追急中鎗墜馬而死當即尋屍并嚴審二豎供俱  
農家子本年六月被林之華先後擄去隨身同候  
衆人部稱他華師與覃加耀張馴龍常在一處那  
日逃到雪崖頂三人方同食聞追上馬至大茅田  
匪急開開加耀喊說華師中鎗墜馬了我回顧之  
華頭上出血死了是夜宿一村中加耀向馴龍說



華師過劫了不可告人只說換馬走了後數日我  
乘空落後被拏之華年五十許微鬚稀髮右腋黑  
痣頤有黑癍左臂火藥轟傷成痂於坡上獲屍驗  
得并據兵丁董上運云之華充長陽縣衙役時常  
同解犯識認屬實依律判戮傳首長陽長樂巴  
東建始鶴峯恩施巫山等凡經蹂躪之地布告毀  
橋壁可緣枕進柳坪人以終報寨首逆單加耀長陽  
既乃誘其謀反起事時有眾七千餘人與林之華  
合二萬五六千人以加耀為渠私立偽號封偽官  
加耀為老營之華為中營分左右前後四營馴龍  
為左軍師張正潮為右軍師官以都督為大有總  
先鋒先鋒提巡提點諸名目皆習教之其附從  
者許以百總等官大軍勦之於黃柏山轉竄銅鼓  
包平隆垠乃入終報寨寨四壁巉削一綫中為偏  
橋以入賊毀橋守兵皆緣木枕踏輓梯或以繩度  
超越峯顛賊往來奔突而山峻過險無徑可逃加  
耀尚驅賊狠門併就俘馴龍已隨之卒受誅正潮

城口廳志

卷二十

藝文

二十八

以下大小頭目百六名賊  
影萬餘無一人漏網者  
拔柵風先遣騎馳  
德肆逆擾梁山新壘屯於開縣臨江市官軍將勤  
之添德遺新壘十八灣人曾柳往萬縣勾結石坝  
山同教郭長俊起事以牽制我師為截後計勒保  
等籌及先勦新起之賊以清後路正月十一日師  
自黃茅嶺進邵家場余家場孫家槽甲午灣龍池  
溝五十餘里皆賊眾落賊敗竄石坝山地勢險峻  
沿山以木柵石牆為固官兵拔柵毀牆以進誅長  
俊賊已先遣曾柳由迴龍場馳報添德來援追及  
於彈子坝斬曾柳委地金環惟氣屬楚匪入川及  
徐賊俘戮殆盡  
齊王氏之富齊王氏者襄陽齊麟妻麟先伏法  
故稱王氏齊寡婦匪黨尊為總教師到處蠶起聽  
其號令實為眾惡渠魁至是與高均德分樓山陽  
高州德榜秦等分兵抄擊齊王氏與之富折向山  
陽石河鋪東竄官兵分路追擊三月初五日抄至  
寬坪賊眾排立左右兩山并山脚大峪分投抗拒



而敗奔至尖河口分爲兩隊其一股由兩河口復折竄西南甘溝是日追奔百七十餘里次日乘勝追至二岔河賊衆尚八九千人占山梁奔突溝口訶知左山梁一路齊姚二逆皆在焉官兵四面環攻搶上山梁賊棄馬倉卒無路逃竄齊王氏率婦女十數人從西懸崖投下氣猶未絕雖不能詳供有認齊王氏不詳訊之生賊僉稱該逆剪髮復蓄長不盈尺并身穿縲衣耳戴金釧可據指認屬實遂即磔梟投空石齒立心勢姚之富見齊王氏石傷心坎立殞得共免賊黨三千餘盡鐵擒千三百餘人內大頭目王如美訊係有襄陽與姚之富幫齊王氏起事偽稱大丞相即正法姚之富殊梟後猶稱飲矛想悔羊無血大宜縣老木因之賊目齊家營飲矛想悔羊無血上年糾衆滋事負燭日夕四月二十三十四等日官兵由三道壩進攻焚其外圍木城兵勇執擲牌先登躍入賊卡砍斃數賊

城口廳志

卷二十

藝文

二十九

乘勢湧上殺賊三四百名首逆陳崇德知勢不支率衆從西北面滾巖跳澗連夜奔逃我兵於琉璃溪口截殺復由冉家壩翻山而逸追及於木桃坪大黃連壩闖入太平縣境又折回水壩子山梁恃險竄匿我兵搶山搶殺匪衆無路可逃職戮殆盡陳崇德自用矛織心立斃經擒獲賊目尤國安認明戮沒羽真穿兇有皮蓋號賊詹世爵與黃號張帥連被官兵在湖北境勦截走陝之平列又聞有兵從興安來不敢逸出漢中因作奔蜀計世爵出令將三號分爲三隊每隊官兵先行走欲從陝境隘口逃出其地兩面陡崖官兵勢難得手明亮與肇驪得火箝子石梁洞一帶可以救出賊前七月二十日抵清池子山口賊急奔遇官兵圍漸合週僅三四里山頂號一發分投衝殺逼入垓心藍白號旗併成大隊迎敵我兵爭先用命自午至申戮數千人生擒無算當於積屍中尋獲穿腹射死之唐世爵傷手腕將斃之李槐質認確鑿齶研示衆



是日張漢潮開縣擄虛戎伏莽開縣安樂坪地方  
輪先行故脫開縣擄虛戎伏莽開縣安樂坪地方  
三槐屯踞其間險要口隘均設木城石卡拒守  
保督率將弁先將頭卡巖洞門攻克賊中禦愈力  
勢難徑上颯探巖洞門右有小路尚可擊登因派  
兵勇潛往埋伏一面由巖洞門進攻正奮擊問代  
官兵已盤旋競上用火箭順風飛射遂焚賊寨眾  
官兵乘勢拔開木城痛加勦洗賊遂棄巢窺後山  
後經官兵四面圍裹賊無路逃生遂擲城地齊  
聲乞命王三槐就縛解京正法三槐為達州起  
事首逆遷廷而載卒就嶽纏實快人心奏達避  
暑山莊適當萬壽前期諸藩蒙古扈從  
人眾靡不歡喜仰箕峯繞徑火燎茨北逆梁微擾  
須臾載於營山巖之箕山屯路皆屋山嶺正面排  
二層山後卡寨林立晝夜鼓角與大營相聞高場  
德阮正澄唐大信王廷詔李全皆於左右立寨依  
之勒休德榜秦勃之先破劄寨搶上箕山熱賊柵

城口廳志

卷二十

藝文

三十

賊見烈燄四起遂潰又勦其後寨保逃是時額勒  
登保自蒼溪來至確子場聞張公橋有賊迎擊之  
大掠生擒張漢潮之子正雅訊於二年與其父分  
股至箕山附羅其清與額勒登保遇於確子場賊  
下山我兵分截其首尾正澄策馬抵禦勢頗兇悍  
兵勇擄之羅其清既失箕山先營太鵬山為三窟  
乃走鵬山八卡侵尋占太鵬山形勢絕險週百里  
就之鵬山八卡侵尋占太鵬山形勢絕險週百里  
山溪三道山梁東南則鄭家山深遠迤橫亘中隔  
一溝為寶珠寺其東北雙山子極高峻居民舊寨  
其上木柵石牆均堅固因逼近箕山漸避避惠齡  
等破箕山後其清竄據此山分立卡座竟成負隅  
之勢軍營將領熟籌須將四面賊卡攻撲方能進  
逼賊巢遂分兵四路彼此策應果奪賊卡入斬二  
千人擒賊目劉士序等二百餘人惟其清踞寺深  
中糧食甚飽四門極險分黨死守以稽時日深  
洞諸兇次第羈羅其清焚掠川北至二年之久罪



元帥嘗在營山等處阻截糧道十二月十六日  
嶺巖勒登保德楊泰奏報嶽次痛勦該匪由官  
逼至巴河賊匪晃水竄上南北山連夜渡河  
賊占虛空寨復擊敗之追至白坭子探知其清兄  
弟匿蔡家梁下溝欲俟官兵過後他往隨派兵堵  
截清之南北從蔡家梁兩面下壓殲洗殆盡其清  
率數百人匿濛子灘洞中遊擊喜明等由手扒崖  
進河搜捕其清尚持刀抵敵衆兵憤欲窮割副將  
德益等大聲曉諭不得亂殺遂將該逆及弟其秀  
子計幅一併生擒而其書衝出投河亦為官兵矛  
傷榜獻羅其麻壩覆巢爭汲路壩寨北面懸崖峭  
壁無路可攀東西南三面路徑亦極險仄羅其清  
同起之冉文儔屯踞其地分築寨門外各設木  
寨三惠齡德楞泰等於三年十二月三十日直逼  
柴汲水為官兵設伏擊退四年正月一日乘賊弛  
備德楞泰破其東門惠齡入西門朱射斗阿穆勒

城口廳志

卷二十

藝文

三十一

塔克南門直撲賊巢文傳手執大旗捨命衝出我  
兵衝入賊隊該逆鎗傷什地即行擒縛割及其  
子冉添受鎗斃其弟冉大元大頭目荀子  
兩等搜捕賊寨洗蕩一空臣慶桂荀河誘  
敵用羸師額勒登保既擒前占國張長庚於譚家  
間道與會該匪屯悅來場當派楊遇春穆克登布  
於左右山溝密往抄截先令劉君輔誘敵額勒登  
保山中路進遇賊撞殺乘勝追至廣安州石頭堰  
適侍衛噶喇護軍參領格布舍等領馬隊各從左  
右抄出鎗斃所到傷斃無算冷添祿箭傷後復被  
亂矛戳死獲其屍並所乘馬其在前列之賊十人  
官兵由茶坪垠全數逼赴石筍河沿殺賊月難民  
符口明此首夥悉殲添祿王三魏之師也難民  
脫難屠首獻包正洪服匪自三月間朱射斗敗之  
雪靈山復於小茅坪持險扼拒六月十九日朱射  
斗督同將弁鼓勇競上王洪鎗傷右乳身死餘衆



廣道

論

追二十餘里殺賊數百是時地方官奉

國發李雲飛降賊誠降匿跡知王在夔州一路為

徐必勝授獻師對其弟奇位為元帥下三聘為先鋒初

傳教總師對其弟奇位為元帥下三聘為先鋒初

糾七千人五六月間節次散出並於八石坪為

偽先鋒姚先廷探馬頭張宗泰棄械投順先廷發

夔州安置而宗泰力請隨營効力告知文王欲往

徐家壩就徐添德亟追之該匪竄至竹谿所屬之

大禾田官兵兩路抄截賊亂棄械跪投者三四百

人餘悉奔串虎灣山梁我兵奮勇槍上賊不能支

逃遁无房灣我兵乘勢下壓生擒文王並探馬頭

張尚國等復追至徐家壩東溪河邊適寶冲阿馬

隊繞出賊前迎截計先逸向東溪叩失屨德榜秦

後斬獲千四百餘名棄其乘騾隻身跳崖而遁嗣

於東溪河也龔奇位棄其乘騾隻身跳崖而遁嗣

經搜山弁勇於香冲地方擒獲並龔文王之子而

城口廳志

卷二十

藝文

三十一

該逆之妻李氏子三龔文王之女月英先於徐

御繫來後害虎將狸八石坪被寨時卜三聘攜其子女

二月二十五日先獲其長子卜正順及其子勾結煽亂滋擾

川東今其首夥各逆並要犯家屬全數營衝漁渡繫長

職擒一名未能漏網辦理實屬完善

鍊九日西鄉縣之漁渡堤連夜探知該匪逃赴青岡

坪與齊家營合夥是夜號火綿長三十餘里殊形猖獗

官兵即分三路進剿賊匪不能抵敵退奔土了子山梁

額勒登保由中路進發將賊衝為兩段在後之賊經兩

路兵勇殲斃無算在前之賊又被楊遇春截住生擒齊

家營之偽元帥斬有年並齊王氏之姪女齊四姑路絕

及夥內賊目訊明半係荆襄老教賊匪一併正法廣元

鐵釘穿口鉞邊界為陝蜀之交經額勒登保於九月十日



二日率領將弁掩捕擄殺八百餘人餘賊衝為數段逃  
竄官兵乘勝由鐵釘山至長池老均山一帶窮追於附  
近林箐中搜捕男婦數十人內有該逆徒弟翟士連及  
偽先鋒劉侯宗等供稱官兵逐抵鐵釘山時親見阮正  
隆身受箭傷又被官兵矛戳滾跌下崖當將該逆年貌  
衣服詰訊明確次早派兵搜山於崖下尋獲屍身與翟  
士連等所供年貌一繫一誅二潮涸湖素務農業嘉慶  
元年查拏邪教該縣給地棍劉相等頂帶令旗令其指  
捕劉相等藉以為奸索賄擅殺李潮不甘毆斃劉相起  
事二年與張漢潮合營漢潮者湖北棗陽縣張家樓人  
以占課為生賊中推其出名而李潮實掌事三年由蕪  
至楚聚得二萬餘人走河南陝西復回湖北又竄陝西  
一帶輾轉蹂躪經五省故白號中張漢潮名為劇賊四  
年九月初四日明亮與綸布春在張字坪痛勦賊眾貴  
州守備楊正明臨陣生擒李潮而遊擊胡定泰搜獲中  
子傷死年老屍身一具驗明左眼有肉贅左邊牙齒脫  
落一個黃白短領身高面長眼珠微有藍色與張漢潮

城口廳志

卷二十

藝文

三十二

圖形相符而李潮見印指認痛哭印將該逆屍身碎剖  
川甘楚豫軍民聞知無不額手稱快李潮所供雖未必  
盡實而地方官辦理不善亦可証矣

忽高忽郝兩家疑

德榜秦秦雜高家營大股賊匪  
前在平利勦收後逼入太平境

內賊復竄我兵追擊先後殲斃投出者千餘人訊  
知首逆高均德改名郝以智在五塊石翻盤頭山  
逃竄十月初六日德榜秦親率將弁冒險分進槍  
上山頂由心子溪至大市川轉戰百二十餘里獲  
賊千餘生擒均德並伊叔父高二即高成傑又獲  
黃號偽元帥王臨高等斬藍號偽元帥曹明魁等  
均德襄陽三合鎮人父成均先於乾隆五十七年  
邪教案內正法均德於五十年成傑於四十八年  
習教皆以宋之清為師自嘉慶元年三月起事肆  
擾楚蜀陝甘年來忽無下落執訊方知其改名避  
兵而以高二為通名漫賈稱戈勇獲高均德後德  
因真黠鼠也



賊匪自西鄉折回行抵鍾家溝見有賊五六千人  
從巴山老林山下舊司河大堤關而來見官兵即  
奔德榜泰派兵於大安邦大堤關羅家堤等處堵  
截免致西竄川境是日斃賊八九十名生擒劉文  
士等三十七名賊急向大安邦涉牧馬河屯踞大  
爺廟山梁抗拒我兵奮勇殺賊二百餘名內一賊  
自稱張士虎手執長矛力戰我兵亂箭射斃追斃  
百餘人  
生擒傳教首逆劉學仁訊係襄陽首事即  
士虎之  
易姓偏窮抱布蚩  
師也  
其叔父學禮衆憤殺差反與徐添德等互相勾結  
屢抗官兵十一月在東君垵爲阿哈保所敗南江  
縣鄉勇於大河口空房內盤獲經被擄逃回之難  
民張順貴認係登廷且知該逆左手六指右臂有  
三處鎗傷質驗相符供稱衆人被官兵追殺四散  
因隻身藏石崖內贖作難民逃生人問輒云賣布  
姓張遇賊搶布受傷支吾  
買餅高溝人少伴  
數日今日出覓食被繫  
藝文  
三十四

城  
口  
廳  
志

卷  
二  
十

藝  
文

三  
十  
四

彥成台布等冒雪進兵由蓮花石等處追擊高  
春等股竄匪敗賊於小油房訊知遇春窮蹙潛往  
他處勾結派員改裝躡線購之遇春先匿西河冷  
耀進耀禮家復扮難民同耀進等眷屬遷往紅山  
洞行至萬溝因卡寨盤詰嚴禁遇春遂隻身東竄  
於藍田縣張家坪飯店內拏獲供認不諱並據孝  
義鄉勇將冷耀進耀禮及遇春差往九間房上並  
川勾結之毛天成范勝川併獲正法  
臣董 謹  
著紅蘭口馬誰騎  
二月二十日川匪唐大信龍  
周王金柱等分股竄入陝西  
康縣界直趨張家梁逼近與安府城總兵慶溥迎  
擊於磚坪賊據山恃衆抗拒我兵仰攻鎗斃穿紅  
馬掛騎馬賊一名乘賊勢披靡撲上山梁殲斃二  
百餘名餘匪潰向蘭河口東竄復夾擊於方家塢  
俱騎馬翻南面大梁奔逸又擊之於簫葉梁斬馘  
及落崖澗死者甚衆生擒余二幅箬供稱鎗斃穿  
紅之騎馬賊即首逆王金柱  
戴翎條割牽營線  
戮屍梟示餘賊仍竄入川



渡廣江德榜泰急赴之於二月二十一日在武連  
驛探得劍州之元山場等處市聚賊衆欲向彭明  
江油德榜奏由小路遠追至張村蛭賊方圍烏龍  
寒色急諸救直前敗之轉戰至新店子賊巢賊蜂  
七蟻聚占山阜九處約有衆三萬馬三千見官兵  
搶上黃茅嶺遂分四路迎戰我兵亦分四路並進  
見有身穿蟒袍草帽上戴花翎賊目一箭傷人分路督  
戰官兵馬隊追擊其一墜馬被縛一箭傷人脫逃尚  
有戴花翎賊目一人鎗擊落馬即被曳去乘勝殺  
入新店子伏賊突出相持兩時之外賽冲阿温春  
等俱被重圍德榜泰救之始解蓋其狡惡如此生  
擒賊目說係線號陳得俸箭傷右手者藍號冉添  
元鎗斃者添元之弟添恒號四元帥俱渡江五股  
內著名首逆賊敗之棄大礮六新店子池內煎民  
趙廷文泉狂白偕糜立幟發榜泰於江油一帶擒  
輒榜獲之至劍州屬之李家坪德榜泰進至關帝  
渠痛勦窟至劍州屬之李家坪德榜泰進至關帝  
垣遇賊三四千人不接戰即走我兵追擊直抵石

城口廳志

卷二十

藝文

三十五

門寨其寨南北圍長五六里各一門兩角俱懸崖  
賊路險據守德榜泰往來策應見寨西有一角門  
路極險及益旋可上賊亦稀少即將南北二門奮  
力攻擊使賊無暇密令兵勇從右首溝底繞上西  
角寨門屯弁森格爾甲獨身跳入手刃數賊衆兵  
破開木柵衝入兩門殺賊千餘墜崖死者五六百  
人生擒偽總兵李斌有陳得俸妻郭氏身穿白衣  
旗上大書替夫報仇四字一併正法賊始欲於李  
家坪等處誘官兵來追先設伏石門寨伺半衝截  
焉官兵先洗其寨故敗其地距大江不過數十里  
四寨解圍紛棄械賊過嘉陵江後遂由南都蓋亭  
江德榜泰星夜渡河由太和鎮赴十字嶺緊躡賊  
踪探知賊大隊現屯蓬溪縣之新店子又分圍附  
近之成谷太和仁和義四寨德榜泰鼓勳兵勇  
直搗賊巢喊殺連天賊措手不及牲畜衣包概行  
委棄奔占打銅垣口尚復擲石於鎗捨死抗拒旗  
幟林玄兇悍萬狀官兵無不一以當百賊黨渙散



不支紛紛向天星橋而遁四寨之圍回時上解時  
二月二十二日也是役殄除首逆雷世旺即雷四  
王及傳教老師孫老六乃襄陽掌教雙江夾岸競  
賊營元帥皆聽其號令臣朱珪雙江夾岸競  
陳尸藍號股匪以官兵正在川西追勅白號未必  
時德裕泰緊追白號餘匪自觀音寺至開封廟探  
聞白藍二號合竄江口官兵逐之時賊正在江口  
陳家渡龔家灣柳樹灘四處搶煤炭船渡嘉陵江  
德楞秦籌度地勢先從江口柳樹灘兩處下壓殺  
聲震地投河淹斃及舟中礮者二千餘人復分  
兵交岸兜裏生擒賊目柳凱等八百餘名潼河東  
西兩岸一信探募後還充徂徐添德在達州起事  
律肅清兵後與王登廷合夥王逆被擒後青號匪  
北路總兵伊為元帥同藍白黃綠等號賊竄渡嘉陵  
衆節經官兵勦捕在漩河口棄馬隻身免脫聞四  
月間該逆聞大營招運糧夫欲圖在營探聽同號

城口廳志

卷二十一

藝文

三十六

信息改名汪升前來投充經達州眼目蕭文魁指  
認宿稟就擒檻送成都設倫渡後被害文武官牌  
位將該逆凌遲剖心致祭課好戕官竟奠卮達州  
以彰國憲而慰忠魂  
場人何上達素習六壬遁甲為賊中軍師擄得人  
總其總管漢仗好者割辦充戰手老者不願者殺  
人皆切齒三月間擾大仔縣知縣張位中陣亡五  
月該逆等由鶴道坪分竄江岸窺伺大江涪州鄧  
都長壽江北廳各處紛紛告警賊知官兵將到復  
向西北折竄德楞秦自隣水迎截冒雨進乘其  
無備於星拱橋七孔溪秦家場連次接仗殲擒不  
可數計研訊各獲犯當有兵役等指認中有何上  
達係戡死張知縣者該犯始猶狡飾經眾口實証  
自認占得好課戕官得勝德楞秦令繕寫張位中  
牌位委員前往將樹下龐涓全係頸龐洪勝湖廣  
設逆寸磔致祭  
洵陽列肆鬻米家頗饒素習白蓮教三月間伍金  
行拍之借其長及子女二十七人人賊營金拉



之吳五月敗於手板崖欲東竄山陽先在大小溝  
錢窖屯紮德勝泰分兵進逼賊初捨上嶺繼奔下  
溝欲翻山而遁山係石巖無路可出捨死又下大  
焦溝竄橋亭子石板溝一帶官兵前後夾擊斬獲  
五千餘人洪勝斃於溝內獲其子有兒年甫十二  
見父屍痛哭言其家或死或散已無一人存者  
臣劉曲中楊叛枉除髭楊開甲等在茅坪邵家溝  
劫洋縣所運軍糧甚形猖獗五月二十七日克  
塔爾楊遇春等追至七盤溝嶺賊小在八家官  
兵先礮轟左山梁之賊乘勝衝上第箇並發楊克  
登布截住右山梁之路綸布春等翻出右山梁後  
夾擊將賊隔為兩段我兵追勦疊越重山將至茅  
甲首逆楊開甲與執旗兵黃金玉互拉墜高楊霖  
取其級又獲探馬頭鄧明元湖北人彼擄賊聞  
甲喜其甚騎常與飲開甲本黃鬚恐官軍無認生  
擒之於五月初薙云吳垭穴灌霖方積藍號賊自通入南  
江屯於長沙圍知

城口廳志

卷二十

藝文

三十七

縣裘良駿於李良寨分攻裕成寨羅言寨石山寨  
告急求援德楞泰自巴州方山坪移師前往欲分  
救各寨慮兵力稍單時連兩料首逆必不肯親攻  
寨嗣遂直搗長池垵巢穴賊猝不及防登時潰亂  
其圍寨各逆聞信俱奔救我兵分頭掩殺由白石  
崖追至吳家垭獲藍號鮮中青訊係冉添元義兒  
樊人傑封為元帥與冉添泗張金連賴掌櫃齊國  
謨同走賴掌櫃亦於是役為官兵所殺其張金連  
業於上年十一月授首乃德楞泰在通江空翟集  
木河所殲因未獲級不敢具奏茲始得其實翟集  
垣堙日未移七月河南鄭縣寶豐事起布政使馬  
抵寶豐之翟家集其地舊有土垣約周七八里不  
知創自何年緣楚匪逼近豫境居民修葺圍牆堅  
實四門石砌近為匪黨據為寨官兵槍過寨東溝  
沿賊衆退入寨內閉門連夜攻擊初八日破中寨  
門大呼逃逃擒賊偽元帥李岳偽總兵孫繼之  
等匪夥千餘人全行洗蕩寨未破時猶圍大



劉之協漢而之協先已逃 敗後羸逃魄先喪 徐德  
出為樂縣所繫事具前 入陝境即由鄜縣殺城界  
股賊匪經明亮迎截未 賊退占對而山梁官兵  
東奔官兵自二竹房縣 尋躡兼程急赴南漳之武  
安堰賊正攻潘家寨兵 至賊遙見賊隊排立抗  
歷過四道山梁逼朱家 嘴遙見賊隊排立抗拒  
兵由山坡沿河包裏愈 逼緊礮橋無算竟日追  
百餘里正在微兵聞山 後突出馬賊三四十人  
有騎羸賊挺矛亂截侍 衛福翰江鼎恒坤各射  
一箭該賊落騎時自稱 係熊總兵縛訊柵徐添  
身官兵到帶領婦女矛 手先逃四路總兵兩路  
去特留兩路接仗其一 王青一即熊方青也 臣  
祿康

御戰餘溝卧瘠 宜支 湖北襄陽縣人陳傑 薦從李潮習  
同起七月間被官兵勒 急由老山翻過棧道欲 出民人  
南山楊遇春格布舍等 料共必奔迎毋寺王家 樛一帶

城口廳志 卷二十 藝文 三十八

約期分路逼勒於十五 日追至 處陳傑在太石 板溝  
內卧匿兵勇乘其不備 奮力搏 陳傑被箭受擒餘匪

全姪誠罪首叔功首 鮮大川初 離其清在巴州 起節

於定遠岳池廣安等處 連日窮 迫逐至儀隴蒿枝

嗣典史倪霄督同案首 陳朝會等 派湖團勇截堵主擒

於日該逆復來攻寨以 銀五百 兩求贖吳效古 陳朝會

叔鮮文芳等處藏匿先 遣旗首 解文屏楊仕山 赴案審商

約為內應七月二十 一日三 更解文屏功抵 罪二人應允

韓賊連等帶領百餘人 前往聲 稱大兵已到解大川 甫

任等十一人一併 昆巴先墮季後墮 印繼為心帥五年

七月間隨伍金柱在 階州地 方滋擾疊經阿 台保移克

金布於許破子 楊林 鄧顯 郭堂寺 等處 跟踪追勒



十五日我兵分三路進發愛星阿亦帶兵捨上大巖山  
梁往下壁賊桑吉斯塔爾又於六峽子溝沿途兜截該  
匪因四面俱有官兵尚松呼黨眾佔聚三座大山我兵  
合力環攻愛星阿射中騎馬指揮之賊一日之內殺賊  
至一千六百七百名驗級有李彩朝等七名生擒孫馬頭  
侯長富等十一名指認別斃之賊乃曾印而伍金柱以  
階州二千餘人夜 金柱傾斜併房燬左平河伏匿老山  
竄太平河以去 官兵乘勝進逼八月初三日探有賊在西山楓香溝石  
觀子溝等處楊遇春迎頭截擊賊稍退却折奔溝內其  
地樹林深密楊遇春欲驅出峽溝痛擊而路徑崎嶇綿  
長天晚時賊匪排列山梁特高據險喊聲不絕適格布  
舍帶領馬隊官兵批在左山梁之後鎗箭並施豐紳又  
帶步兵堵截賊始畏懼下奔楊遇春等於黑暗中率兵  
攪殺時已昏闇燬路勇草房數間照路追出溝外大獲  
勝仗次日查訊先後生擒之賊並搜山拏獲之羅開先  
等三十餘名俱稱伍元帥已經鎗斃嗣有為賊裹脅背  
鍋自行交出之王添伍據稱伍金柱之弟伍三年十八

城口廳志

卷二十

藝文

二十九

九歲昨夜二更後逃回說伊兄小腹受鎗穿出跨後呼  
人速往擡取旋聞擡到半坡身死伍三同副賊梁三掌  
櫃以伊帥字旗並所騎之馬一空房焚其屍係伊親見  
並逐訊活賊言皆相同

銀門折倒共山虧

陳傑就擒時供有周天緒一犯  
係同起事老教先帶四五十人

入冉學勝股內經額勒登保檄知陝西巡撫台布  
於老林中嚴密搜捕旋據台布奏飭員選派能事  
首領在銀門空罐子山祭獲周榮說係陳傑之師  
并據供陳傑因我是師傳恐官兵拏我所以隨口  
混編營內 雨天八廟殪破鏡 湯思蛟度向瑤劉朝  
別無周姓 境內被官兵勒急合夥由長垣過河七十五督兵  
往來衝截度向瑤趕入趙麻化前股向官渡奔竄  
劉湯二逆折向下八廟而迎 萬財之於豐城  
又敗之於大圍包勒保馳抵火山坪於大雨中在  
元帥湯思舉及偽總兵王三槐屍身經所獲賊目



王曰楊指認明月夜千江唱子雉  
太平縣知縣  
確當即齋臬  
信與張子聰合夥後在干江河一帶遊弈屢至付  
近寨洞滋擾有白水洞劫糧計先發於八月二十二  
首龐黠然恐賊破洞劫糧計先發於八月二十二  
日商同各寨首抽出丁壯團勇五百餘名乘夜潛  
赴賊營吶喊放鎗該匪等有逃出難民馮萬景告報  
掩擊斃賊百餘越翌日有逃出難民馮萬景告報  
是夜賊眾將唐大信昇至井龍礮因胃受鎗傷項  
命賊眾立李顯必為元帥屠牛祭旗從來報讐次  
日果來攻撲聲稱為唐元帥報復寨內花遇颺狂  
先已有備禦敗之向後烟山黃溪河遁  
連理折香榔秦勒一帶折回即自江口迎勤九月  
十七八等日冒雨趨渡溪河值賊正從寒池堤向  
大水口竄來德楞泰由溝內迎截勒保由右山梁  
下壓賊迎見官兵即奔馬鞍山欲倚險扣我兵鼓  
勇上撲紫據山頂因賊潰入箐林即於四面弩卡

城口廳志 卷二十

藝文

四十

露宿一夜晚即進林搜勦趙麻花身穿紅額倫袋  
率殘匪數人向東逸經四川步兵何有富才截倒  
地割級呈驗并獲其妻張氏供該逆本名易應徐  
添德之徒於汪瀛死後始稱元帥來大水田迎其  
師云臣槐因燧滅結根姜趙麻花被殲後股王  
紀奔竄九月二十四日我兵追至大茅坡值賊造  
飯近擊至磨子巖訊倖目鍾應昆知王珊在濫泥  
溝身帶箭傷不能行動經官兵矛戳斃命餘匪竄  
八廟橋為新宜縣保全寨截至觀音槽又擒王珊  
之師李思槐係徐添德之徒眾稱為四老師傅者  
此股首夥勦淨川東肅清而由陝竄入者通江縣  
報軍功首郭倬敗之金溪河擒偽總兵魏超巴州  
報元山寨團勇敗之伍家河益洞寨因銳賊愈耗  
矣匹難詎耐膏銛刃齊王氏餘黨係伊夫姪齊國  
波戮後自立為帥與李炳等合五股賊眾凡八千  
餘人在川陝邊界游弈滋擾因棧道有兵防禦川



東川北圍寨嚴禁無可擄掠欲窺渡嘉陵江十一  
月二十七八九等日經德楞泰自渠縣巴州追勦  
與勒保夾擊大敗之是役也戮首逆齊國謨於官  
陞寨楊嗣於柏林場先後擒偽總兵熊魁元先  
鋒苟文忠李炳之子以元帥李朝坤總兵王得江  
陣文及楊開第之師余周明副元帥馮中謨等官  
兵奔旗疾走夜宿低地不舉火以乘賊不意而經  
思之雷成寨插旗山九嶺寨勇俱下軍助戰故  
得此快捷李炳廣勝可魏棒棒等先走餘匪散寸  
藏老林歸入陳朝觀夥內川北幾於掃蕩矣賊  
鐵定容鑄大鎚長麟奏報由廣元窺至宜差之賊  
龍叔姪二宰聰三楊開第餘黨新立元帥王姓四  
魏棒棒李裁縫等共數千人會合一處併力攻撲  
陝西卡隘圖八南山度歲即派兵勇分投追勦收  
之於陳字壩鎗斃騎馬賊目一人訊係張士龍股  
內偽總兵魏元伏宰聰於燕子崖敗遁王姓敗於  
巫山壩其魏棒棒等一股於十二月十九日經官

城口廳志

卷二十

藝文

四十一

兵追殺至崖方坪冰雪中槍上山梁擊敗逃散於  
道翁空屋內擒賊首李裁縫供稱即李得陽四川  
廣安州人三年九月間被楊開甲宰聰裹入營竹  
內為鐵工後見其悍驚派當先鋒遂舉為元帥竹  
峪雲遙奔不到辛酉李炳陳朝觀張士龍辛聰  
老林窺窺差也陳朝觀辛聰等復分由通江竄西  
鄉惟張士龍等尚在通江境正月初四日勦匪師  
次黃龍背連日進勦擒甚多訊之生擒賊目云  
此股係張士龍為首共二千餘人要往竹峪關與  
辛聰陳朝觀合兵追及搶逼大山張大元帥臨陣  
亡命趙二掌櫃及李總兵皆被擒隨於各賊內指  
出趙建功李大惟二犯並獲桐河流竭苦相持德  
士龍首級臣豐紳濟倫  
秦由安棗取道洵陽追勦高二匪黨不令東竄至  
山陽孫翳之桐浴河探得賊已由黑山折至乾溝  
屯聚距縣城數里若由高坦店東走即至漫川關  
或入楚界或奔豫境均為可慮德楞泰連夜督



兇勦逆匪驚潰甲兵色克津保衝入賊隊生擒  
揮督賊賊目一人匪黨大敗占據左高山猶持石  
如丙捨命抵擋旋向北遁德楞泰恐其竄出商州  
蔓延藍田等處當令馬隊由下關坊繞出賊前遇  
其去路是役共殺賊千餘名獲犯千三百餘名槍  
其臨陣生擒之賊目則襄陽老教師龔如一也  
沈驢逝俘都吳首逆高二於正月十三日在山陽  
萬德楞泰以其地北走秦嶺西通藍田防其逸入  
乃選精壯鄉勇八百餘取山內小徑冒雪前進至  
野豬坪迎截官兵追者已到前後夾擊有賊目騎  
馬持矛聲喊拚命為吉林兵衝入賊隊亂箭射死  
餘賊斃幾盡擒偽先鋒王儒等五名記稱高二掌  
櫃已於野豬坪射死將各級隔別令其指認至持  
矛賊級并所騎馬眾俘一齊慟哭確為高二無疑  
乃設從前為該逆所害之大員王大雄扎爾杭阿  
施縉等牌位將該逆所害之號朱旂眾所噴  
首級齶奠眾皆快奮

城口廳志

卷二十

藝文

四十二

傑同惡相濟借藍號白號各匪在陝西四廠地等  
處經官兵勦竄蟻聚川北謀渡嘉陵江紅旗號褂  
假充官兵地方官率勇堵禦幾於眾寡不敵適勒  
保先派之總兵許文漢從下游馳到鎗礮齊發相  
持一晝夜賊偽向儀隴奔逸實欲南渡勒保察知  
其謀親帶官兵遏其來路由新鎮垣連夜追至碑  
灣寺將賊大隊痛行殲殄訊知徐萬福在木蘭寺  
中鎗落馬攢刃砍斃首逆就誅川西得以無虞矣  
斷臂將軍讐得復高二股內大掌櫃馬應祥乃馬  
入馬五營內竄至武關西溝欲由黑河過甘肅往  
四川龍安等處因知高坪場毛垵一帶官兵俱有  
準備又不能以困老林即由何家巖南奔復探知  
大安寬川等處亦有官兵設伏遂北向蔡頭又西  
南向陽平關尋路狂奔我兵晝夜窮追每日行二  
百餘里楊選春墜馬不顧沿途剽換卡兵前進至  
唐家垵將馬應祥險陣生擒並截斃偽元帥胡滄  
海等訊馬應祥乃上年六月在西鄉與提督王文



雄接仗斷文雄臂陣賣牛老子罪應累  
亡者也 巨戴衢亨黃官嶺連勝窮追向川三月十  
馬賊匪既於馬道界之龍池場鞍子溝一帶痛加勒  
八日在川陝接界之龍池場鞍子溝一帶痛加勒  
洗斬獲甚多臨陣生擒首逆王廷詔王廷詔始鬻  
其子控名牛八又最初於襄陽起事經川楚陝甘  
焚掠蹂躪眾匪皆聽其鼓煽罪大惡極今就壘俘  
當 啟鑿詣 裕陵敷土之 前一日參旗  
非 鉞陟降 在天咸仰 嶺鋼 更恃闕為鐵  
賊中高二高三馬五最為驍驚流擾四省戕害大  
員荼毒百姓實堪痛恨經德楞泰於野豬坪射殲  
高二軍中志銳氣奮二月間楊廷春截擊高三前  
股賊於舊州鋪獅子溝銅嶺等處殲擒千七百餘  
名餘匪僅五六百人西道黃洋河楊遇春緊追其  
後股四月初一日至宜羌州之鐵鎖關二郎壩奮  
力痛勦遂將逆首 豆煮何妨然者其  
高三臨陣生擒 藝文

城心廳志 卷二十

藝文

四十三

子及賊日劉元帥等悉就縛高馬兩股餘匪全數  
掃蕩高一一名添升高三名添得乃從兄弟同高均  
德一族舊皆與馬五合營上年四月自四川隆安  
回因爭路而鬪兄弟鬩牆乃分營高二領閻慎珍  
慎高別去高三馬 疇謂滾崖堪贊命 五月二十日  
五同行故駢繫之 疇謂滾崖堪贊命 德楞泰於蔣  
家梁安家溝等處勦焚人傑徐添德各股賊擒斬  
二千餘人首逆陳朝觀帶傷滾崖未得下落恐其  
藏匿山谷瀉網遠颺因派撥弁兵搜捕並懸賞於  
白河洵陽一帶爾寨嚴禁查拏嗣據洵陽縣知縣  
嚴如強報稱裕欣寨寨頭陳思揆等已將藍號首  
逆陳朝觀及其弟朝榮及青幾元帥李順安探馬  
頭熊學富等一併擒獲羈案候示德楞泰飭令押  
回縣城驗明訊實辦理 臣德瑛 德楞泰飭令押  
製其如殺馬乍充飢 德楞泰奏賽沖河等 追勒徐添德  
紫陽縣之任河新灘擒賊趙玉等訊稱五月十七日  
添德到任河欲入老山覓得小船渡至三次添德入船



經年灘口雨後漲高二三丈舟覆淹斃有太平縣家  
朱復興避賊上樹親見其事績獲已過河之賊李義  
等詳詰據供十三日在西鄉縣昆河鋪為官兵衝敗十  
六日至馬鞍溝為寨民堵殺是日午後繼到新灘乏食  
紹所乘黃馬充飢奪船過河第一次王青向徐添德喚  
探馬頭劉學書各四五十人第三次王青向徐添德喚  
涉有張萬福以人多挽纜不放添德毆之猝行船至中  
流盡溺已過之眾欲推劉學書管事不肯旋被追擒後  
經地方官於任河入險溪漂沒凶難遲川大宜縣與湖  
漢處撈獲添德屍

城口廳志

卷二十

藝文

四十四

顯必餘匪撥河淹危磴攀援骨盡劇襄陽縣人伍懷志  
業無一人漏網者傳邪教與齊王氏之夫齊麟同正法公美之弟公英  
即低金柱嘉慶元年三月起事與劉起榮齊王氏張漢  
湖合營分竄河南陝西又與曹柳合營而別為老黃號  
以王先祖為元帥先祖以金柱能偽封總兵先祖死金  
柱與曹柳並為元帥又得龐洪勝之眾併襄脅有賊萬  
餘人三逆先後被誅眾推懷志為帥五年賊走秦嶺秦  
嶺故南山中第一險隘深林箐密中伏匿半載六年六  
月初一日穆克登布獲追至宜陝地界兵鏖升魚貫  
分後勒捕諜知賊在一層巒上四面斗絕從流水凹中  
得路官兵銜枚直上痛殲其眾該逆與賊自六七人由  
層巒飛躍而下見各賊俱被擒獲急掣佩刀自刎我兵  
生縛之及偽元帥胡長盛先鋒李世雄等一一磔梟於  
是漢江北火器碑車韓反二豎楚兵堵賊於興山長房河  
岸肅清矣火器碑車韓反二豎楚兵堵賊於興山長房河  
嵐黃家山東西出沒無常而房縣西南灣腰樹有賊數  
百人由夔之大宜關入全保截之於寶石店於是長齡



走劉家灣七十五走苗子八俱向黃家山各抵老林山  
脚懸旗幟為疑兵用大礮轟之賊不能存任丙夜突出  
官兵迎勦步賊敗退後有馬賊撲近領隊二賊為連環  
鎗所中而墜羣賊急負屍去兵丁鄧明直前奪回其一  
斃賊二百餘人據曾正修供中鎗墜馬負去者黃號頭  
目張萬林奪獲者白號偽總兵彭良材也

伏兵盪決橫聲多時六月間吳熊宅等追朝漢之姪  
二逆初九日敗賊於楊家臺山乘勝至茅家河沿  
又敗之忽有賊約二千餘從古林內抄出分數百  
人繞我後路圖斷糧餉我兵奮擊擒馬士穿紅褂  
賊目時已逼賊至簸箕山伏兵兩面夾出攪殺又

整執旗賊目即劉大青也賊之奔其穿紅賊  
日記係黃號總兵鄧起華現充開路先鋒  
計巧區深淺自陝入川之賊藍號鮮俸先苟文通  
子聰自太平固軍垣與之合勒保偵知急趨之六  
月十四日抵樊噲店賊方攻仁和永興二寨距七

十里官軍馳至奮擊寨民吶喊助勢賊遁追至尖  
坝河官軍占淺灘賊急從深潭泗水溺四五百人  
官軍渡蹙之衝天嶠賊馘馬提訊獲匪有戴翎賊  
目印何子聰又有監號鮮文順者供其姪俸先為  
官兵所殺苟文通控轡神驚失措指搗白號賊首王  
溺死驗級皆實

城口廳志 卷二十 藝文 四十五

賢與官兵接仗首先臨陣最為狡悍四月杪與黃  
號張萬林由陝入楚萬林率眾撲營受鎗傷各匪  
勢漸衰散吳熊光等兜勦於帽子嶺逆殺數十名  
賊折而逃官兵馬步隊追之急左右叢莽中摧旗  
吶喊擁出多人悉力衝撲我師三面連環圍之殲  
敢無算賊中有控馬者一人前後指揮勢甚兇惡  
為兵賀應彪截斃既追勦餘匪後訊聚族而殲靡

之活賊則王國賢也傳首被擾地方聚族而殲靡  
了矣青藍黃三號餘匪聚眾二千餘在巴州境內  
烈開信夜進至龍泉坝賊已窺石灘山前有去路  
恐賊聞風逸先派弁勇於龍鳳垭酒店垭上地垭

了矣青藍黃三號餘匪聚眾二千餘在巴州境內  
烈開信夜進至龍泉坝賊已窺石灘山前有去路  
恐賊聞風逸先派弁勇於龍鳳垭酒店垭上地垭



三處理代兵孫石漢山賊果向土地垣進而遇  
即回撲正相持間兩路官兵合攻之賊勢亂忽呼  
二王爺被捉當捐命奪回三王爺者徐添德之弟  
壽也賊匪分投抗拒我軍四面衝壓始潰散是  
役并擒添壽子大寬姪大朝王登廷之弟擇賢以  
王登高子文科皆渠魁親屬臣登廷之弟布擇賢以  
讓偽為之以牽制官兵被獲時又或妄認首逆以  
緩追躡六年春四川獲二逆訊為王士虎冉添泗  
至是八月額勒登保駐西鄉縣之涼橋探小巴山  
有賊欲奔松樹坝檄楊遇春追之是日午後冒雨  
進攻賊知勢不敵且戰且走我兵料其中必有首  
逆奮力追殺生縛賊首王士虎在冉家營先為總  
兵後為元帥者續於茶陽河追獲冉添泗乃冉文  
傳之從子添元親弟也添元被擒於太和鎮眾推  
為帥以讓士虎而自為老掌櫃同解大營審據確  
實川中所獲乃冉添位王眼青善走祚金草冉姓  
士文此二人真大逆也

城口廳志

卷二十

藝文

四十六

蜀人而冉學勝世居襄陽縣黃龍壩故與張漢潮  
同反依劉起榮為藍號戰手再入陝再入川累與  
官兵門四年藍號敗起榮之子允勝推為元帥走  
甘肅回安康欲穿南山道商維入豫阻於武關轉  
鎮安漢陰石泉六年三月掠於大垣由鳳縣到汧  
陽秦州敗於隴州草白峪謀往固原掠糧馬敗於  
張掖鋪涉渭及漢適黃安垣流徙鄖陽與安間大  
敗於八道河遺孽四百人翻兩扇門至徐家坝返  
太平縣之高觀寺又從爛泥垣越巴山老林抵通  
江之空山坝八月一日會齊家營二日會高家營  
遂與高家營議往南江廣元趁熟初七日在盧家  
灣官兵由朱家坝抄及之棄馬投崖官兵跳從之  
急引佩刀自戕兵教吉高奪其刃謝加林陳永安  
共縛之高家營賊多死學勝生而左眼眶照賊中  
呼為青眼窩冉元帥軍中亦傳之劇賊背潰多創  
躡躡最供吐頗詳摘叙之以著其罪背潰多創  
缺斧鑄出其西皆要隘地也額勒登保勦高逆



世雨路逃我兵分追之九月二十七日楊遇春  
汝垣適與西竄之賊遇訊獲犯知東竄者辛斗  
由旋據格布舍等報稱在小樹垣聞賊欲北遁即  
擊有數十人雍一賊奪路欲奔副將張瑗等鎗箭  
齊發背受數傷把總楊陞新勇張朝壘縛之認係  
首逆辛斗該逆亦身認不諱次日搜山又擒偽先  
鋒蔡坤和偽總兵李貴蘇啟志並老掌櫃教正道  
霧重宵長殘噩夢先是獲龍紹周之妻供該逆年  
寸又賊中投出情願効力之楊正理等命供該逆  
右髮際有疤痕右上齧虎牙缺半無鬚軍中以此  
指認九月二十六日官軍追龍紹周至竹谿縣之  
上鷺坪時已薄暮雨雪交加南江河漲發是早賊  
掠漁舟渡竟即沈之官軍至乃伐木作橋進屯瓦  
房溝該逆屯岳家坪在盤龍山藥山老扒前徑險  
不可騎其右新寨子後有間道出其背分兵扼之  
天甫曉大霧不辨樹木何枚衝進賊方卧有向火

城口廳志

卷二十

藝文

四十七

者急呼官兵殺到驚投藥山老扒遇新寨後兵返  
走有賊軀幹甚偉穿洋獺馬褂疾走觸木而路刺  
其背猶起牽連截始斃驗之龍紹周也壁立萬仞  
無所逃賊皆盡賊有黃白青藍諸號至是日就衰  
蹙云 臣 林寒曉渡染流澌於八月間為大兵衝  
散其總兵龐思宇率七八十人向通江西鄉一帶  
老林藏身後遇張添倫等股匪聚聚二三百餘人  
時天祁寒賊因老林不能存身出肆掠適額勒登  
保擒朱印等探聞黑虎廟王家坪有賊分兵勦之  
十一月月初三日黎明楊遇春等抵周家溝賊已於  
四鼓時向高家河遁我兵尾而殲之賊目龐思宇  
及探馬頭楊死如莫禦焚如慘我兵既破龐思宇  
應學俱生擒 死如莫禦焚如慘我兵既破龐思宇  
布舍楊芳追之於四季坪熊洞子榜山殺賊并獲  
李彬妻舟氏王士虎妻郭氏解俸先妻王氏賊有  
奔民寨被擒獻斬本係附近居民寨民收留者惟  
有冉添潢從尋李彬台夥領矛手百餘人燬旗幟



豈從夜行向秦家河西去格右舍等探知先派鄉  
勇由小以逆截抵鎮龍關遇賊其地有蒙家寨山  
深林密賊竄踞其間官兵四面兜圍縱火焚林烟  
燄燭天賊衝突而出官兵直前斬獲靡遺生擒首  
逆丹漆黃解營審訊除與文傳之姪卅添泗擒後  
象准為師蓋世濟其惡幾於赤族矣同時迎江右  
賊首高見奇為豐紳降者翻銜劍者悲  
系吉斯塔爾等擒之降者翻銜劍者悲  
由乃宜開入廣元之大黑灘登碑堦一帶適參  
朱槐等追勦李彬餘黨師次該處探知卒逆正在  
附近村莊滋擾分兩路夜擊朱槐等由大佛寺鳥  
牛坪遇賊前都司余步雲等由關門子蔣項嶺練  
至賊後賊自五寶山向老林奔逸官兵併力攻圍  
常有左國舉等二十餘人棄械跪投卒逆率領五  
六十人尚猛力衝突鄉勇頭日等將幸聰生擒該  
逆係湖北老教與張漢潮同時起事於楚蜀肆擾  
有年今得俘趙傅格心經久識  
紫足快人心

城口廳志

卷二十

藝上

四八

北上年冬於通江之蕭家坡勦敗隻身奔逸偵探  
未獲二月二十五日道員劉清探得李彬復糾惑  
孽師約三月有人指南江廣元交界之趙貴河竄至鐵  
廠坪設伏以備夾擊正隊趨鐵廠坪附近各寨亦鎗  
擊齊發賊猝不及備尋路逃遁兩處伏兵奔出奮  
力圍殺新勇趙文相傅文德生擒李彬李元受獲  
平聰之弟辛文新勇者本賊中投出亮鄉勇故能  
誠賊首常即賞銀三五百兩有差  
魏張喪膽快同糜  
賊於木箐垣探賊田巴九之陳  
家坪竄土地堡距七八十里官軍夜發十八日黎  
明抵金子寺四面圍捕賊再四衝突皆被截回斃  
左鳩黑子賊一人有賊二人奪其屍亦斬之獲賊  
二百二十人  
父添美叔父添滿百教於王廷詔在雙溝起事經  
楚蜀陝甘往來肆虐五年添美死接手管事象



為三掌櫃此股係張家魏家兩營添倫是總元帥  
陳國珠是元帥魏學勝是總管戰敗時添倫為官  
兵所殺國珠學勝奪屍同死學成性急戰時落  
後者捶以木柶賊中呼為魏棒棒亦劇賊也

兄頭目竿標級三線字號股匪自龔文王龔其位  
巴東興山巫山房縣等處老林往來藏匿隨時擄

至奉節滋擾德榜秦探知該匪屯奉雲交界之坂  
厥溪督兵進攻至鳳凰頭大山復派兵由二台坪

抄去沿途各洞寨均極嚴密我兵窮追至雲奉溝  
過紫峽河直抵小神堡將線字號殘匪盡戮除

龔其堯已於鳳凰頭山上接仗時傷斃割取首級  
確驗屬實老教師總兵李世漢國珍父子及偽總

兵余佐志唐大高旗手趙思文王得勝等  
亦皆就縛與擒李彬同時根株剪盡矣

勸子心  
賜柴折枝  
遇患春勤敗帶傷潛逃總無下落嗣經額

城廳志

卷二十

藝文

四十九

勒登保所派搜山軍功廖友等訪知該逆於二十  
五日逃至太平峪民呂文明家乞食文明見其身

帶矛傷知是賊因憶其子被害於賊懷恨已久即  
用柴斧砍斃不知足緊要首逆棄屍崖洞木報官

該軍功等起出屍首山深氣寒尚未腐變令所帶  
眼線識認實係劉用受並起出所帶金鐲即割取

首級回營復令所獲活賊指認屬  
實餘匪陸續搜獲此股遂完竣

溺鬼重生網容  
漏三槐同起又會徐添德分入白號五年八月官

軍敗之於杜家灣該逆投入箭口河而未得其死  
近年不知蹤跡本年四月一十八日川省搜捕餘

匪於龍潭河遇賊二十餘人盡縛之訖稱有賊百  
四五人係炭老師傅帶領內有張二掌櫃等匪

元子嚙古佛洞內遣出探信官兵急赴之午子噪  
而前獲張二掌櫃即張聖從度逆率七八十人

鳳凰山遇官軍別隊擒四十一人內有徇獲餘皆  
馘焉訊供前順溜隨淺灘不死軍中眼目皆識之







逃竄之計額勒登保因該逆出入山林踪跡詭狡今將  
領兵勇分為數起各路搜拏六月十七日總兵李應貴  
搜獲麻溝藏匪二名訊知苟逆藏匿花石巖就食李應  
貴等亦分帶兵勇數起競進飛抵該處時已傍晚冒雨  
攻撲直上山梁賊尚倚險抗拒我兵奮力勦殺該逆自  
內認識苟逆之人指引官兵緊追趕殺該逆自知無路  
逃生遂向懸崖跳下兵勇等覓路趕至該逆骨折重傷  
僅存餘息眾兵勇用亂矛戳斃割取首級臬示起事地  
方積年巨寇伏羣匪蕩除倍修省三省俱奏無成股賊  
誅實堪快慰  
匪其零星餘孽敗殘竄伏於巖巔箐洞間出掠食者不  
過數十下人時聚時散予以滋蔓難圖除惡務盡梟諭  
行間將帥嚴密搜捕務絕根株如果全數蕩平方隅寧  
謐治此內地亂民不與成功外域者同科毋庸馳遞紅  
旗奏捷但用紅裏黃緞由六百里加緊具報與眾共知  
歡慶十月十五日後節據額勒登保奏於白楊溝火攻  
斃賊三四十人又於灤河殺賊追戮偽元帥熊方肯探  
馬頭劉宗林李秀平利竹谿邊界殘匪已淨勒保奏於

城口廳志

卷二十

藝文

五十一

青山子獲鹿向瑾之姪元正探馬頭陳世明旗手袁亮  
子夜於村小盤獲投宿首逆湯思蛟德楞泰奏於黃泡  
池擒斬偽帥陳侍學及妻李氏總兵李學進先鋒羅  
金堂及子一兒又勒保奏於石柱坪曉擒偽元帥唐明  
萬總兵唐必明先鋒李相富趙泳清又額勒登保奏於  
鐵燈臺擒斬首逆景英三掌櫃蒲添香偽總兵譚大祥  
旗手王得用楊中懷吳熊光奏於官帽山夜見火光緝  
獲欲入武當山為道士之首逆崔宗和陸續奏報前來  
是諸臣搜捕餘匪勤力細心諒無誑飾至十二月廿六  
日申刻喜報抵京經略大臣額勒登保參贊大臣德馨  
奏四川總督勒保陝甘總督惠齡湖廣總督吳熊老合  
詞公摺奏陳大功底定逆匪全數蕩平前後殲除羣匪  
如俘解京師者張正謨聶傑人張正潮章如耀王廷詔  
劉起榮王三棍劉之協羅其清羅其書高均德高成傑  
生擒正法者張什高三馬五冉學勝李彬冉添元冉添  
泗王士虎龔文玉龔其位卜三聘龔建王登廷陳傑伍  
懷志張子聰徐添壽汪瀛王凌高李槐高見奇廣向睡  
劉劑選楊麟生辛斗辛聰臨陣誅斃者林之華齊王



漢朝樊人葉添倫徐添德陳崇德其文德  
亮功林定相蕭占國張長更包正洪李漸  
高王珊李樹伍金柱阮正澄龐洪勝鮮大川  
國富雷世旺張士龍劉允恭高二楊開甲張  
趙麻花矢國富雷世旺張士龍劉允恭高二楊開甲張  
允壽張世虎龍紹周苟文明蒲添寶魁棒陳國珠賴  
飛隴勦珍餘匪戴四趙鑑張簡熊翠等統計首逆百餘  
人積惡頭目數百人那黨二十餘萬人悔罪投出者數  
萬人一律郭清擊析無驚受屢胥樂三省之輯宜同慶  
七年之兵革全消等語披閱之餘感與懼俱言隨淡下  
深維國家撫有億兆百八十年仁政惠心淪浹深厚  
而萃民無知自外覆載芟夷剗殄咸實自胎然而  
天心仁愛必不以民之無良俾無遺育子仰承  
緯父母斯民豈敢諉諸叔運不思所以救之每歲當  
賜平宜即深宮宵旰無刻不恐懼修省敬祈  
凡披章召見形之訓諭批答者欲臣民共體此懷咸知  
謹凜今幸羣邪掃蕩黎庶乂安皆荷  
如三省比歲屢豐任河黃嶺之役連兩漲河一洗兇穢

城口廳志

卷二十

藝文

五十二

天意昭然近者廣東永安之會匪安徽宿州之亂  
民乍起即除迅速完善益微祐深眷厚異事  
川功付以金甌纖豪罔缺惟有倍加夔揚凜執玉捧盈  
之懼單奠孟調幕之忱仰會吳乾誌諸夙夜而已  
兩朝神武永昭垂民自流離疾苦羣賊狡悍情形統帥之  
勇怯行伍之情奮地方有司之廉汗勤怠察天時  
之雨寒瞭地利之險易蓋靡不洞如觀火燦若列  
星每奏章閱下為山一軍皆驚萬事機宜數  
言而盡投醪入水聚米為山一軍皆驚萬事機宜數  
凡進退調度一切上稟聖裁奉行尚恐不逮  
故能蕩邪滌穢真若捲秋穰而滿枯蓬成此丕績  
用康乂民正等近依黼座具仰朝旻  
勞常軍郵押至開蒙宣示快聆大捷而  
手諭先發指授方畧皆出於睿斷在廷  
成未聞知易繫辭傳所謂聰明睿知神武不殺者  
為今

聖主頌也苞流飛翰軍威盛征勦堵截所需兵馬



甚多不得於各省調撥協助計調火器健銳兩  
營兵二千名盛京二千名東三省五千六百四  
十八名直隸山東山西江西廣東廣西雲南貴州  
等省派出征兵五萬五千八百六十八名河南湖  
北陝西甘肅四川有賊首分調戰守兵六萬一千  
七百萬凡十四名共計十一萬七千六百六十二名  
練勇鄉勇不在此數居有月糧行有米菜勝有陞  
賞卹有祭卹故皆同仇敵愾山川流宜其克敵  
致果終奏驪駱駝馬政司或由本省調赴軍營  
大功也  
皆咨報兵部嘉慶二年七月特旨將八旗各  
營直隸出青馬解營計八千匹餘皆各省滿營綠  
營拴養額馬計直隸山東西雲貴解往者八千三  
十一匹有賊省分解赴者二萬六千五百三十二  
匹共馬四萬二千五百六十八匹此外尚有各省  
家帑藏充盈自軍興以來所用餉需皆由部庫內  
庫發給及各省藩庫關稅鹽課春秋二撥源源接

城口廳志

卷二十

藝文

五十三

濟未嘗絲毫累及官民五年五月勒保奏酌議川  
省歷任總督司道分捐養廉一摺不准所請並  
降旨訓飭以軍需所用不下十千萬各官所得  
養廉不過十四萬以錙銖投滄海何濟於事而徒  
令養贍無資辨公無費紛紛完納尤於政體不協  
且此等捐項豈皆盡出已貲大吏取之州縣州縣  
索之小民而不肖之員更藉以染指層層剝削波  
及閭閻官員博助餉之虛名百姓受捐餉之實害  
甚至謂出上意指朕不肯為仰見我皇上以  
愛民為心却言利之說此所以人皆安堵民不知  
兵也  
額勒布  
連年蠲緩永無遺  
愛黎庶蠲紓賑卹之  
軫念陝西湖北四川為最重甘肅次之河南亦曾  
有事賊氛所至殘刈田禾焚蕪廬舍罄竭蓋藏壑  
又朝聞擊柝夕懼傳烽近賊之氓不無流散其耕  
糧彈試于役從軍雖發帑不累絲毫究不無少資







以印信今永保齋任又授明亮額勒登保為參贊  
大臣嗣勒保獲譴暫授明亮而那彥成會加參贊  
至賊仰見我額勒登保為經畧德楞額泰為參贊卒以  
要道所由著定鴻臚杜羊境上緬良規襄陽天下之  
地多山至襄陽而險入平原又由漢水直下連  
江水陸皆居咽喉之地不獨全楚特為門戶也五  
方輻輳地雜人麗是以各省教匪經官軍執訊皆  
以襄陽老教為大帥傅大掌櫃湖廣提督原駐襄  
陽之穀城後移湖南常德嗣以苗匪緊要專駐長  
州漸徙愈南於北省鞭長莫及嘉慶六年總督書  
檄奏准改湖廣提督為湖南提督而於湖北另設  
提督一員駐襄陽又鄖陽據襄之上游幅輳遼瀾  
山林阻深上津直走商維竹山連界夔巫流民所  
趨在明設撫治以守之特下廷議將原駐穀  
城之襄陽鎮總兵移改鄖陽又移調道員駐劄又  
移鄖陽協於竹山節節有提鎮大員駐守愈形周

城口廳志

卷二十

藝文

五十五

密以嚴秦蜀楚豫四省陝南鎮府堅防守陝西南  
之控制洵為善後良策  
西接武功關中八水三出其中六谷七十二峪深  
邃岐雜地方肥沃物產富饒居無土著之民邪教  
藉以府奸竄賊易於得食州縣皆於山外分治勢  
難控割乾隆三十年間始以西安府通判移駐五  
即土人稱為五郎府茲因台布等之請下廷議添  
設總兵駐劄鎮守賜名宜陝川北京鄉綿粟  
鎮設額兵六千營汛三十二處  
絲四年特派副都御史廣興前赴連州辦理  
軍需事務並將忠州知州劉清賞給道銜隨同辦  
事嗣又以各路籌運軍糧及一切出入支銷稽查  
弊竇事務較繁於簡發道府中加派四員專駐  
州幫辦並令廣興將福宜並承辦之員經手各項  
逐一查明無任絲毫隱飾次年復命副都統  
托津馳驛往川辦理軍需糧餉



子賞

予陞隨捷奏

用兵之道罰必當罪賞必當功廢使人

賜俞渠斬賊者無不加以上於軍營將弁先登陷陣

命查明具奏請者亦必以恩並

者概令陳明獎擢權衡至當不濫不遺每得捷報

賜尤不可勝計無不感激自賜瑩賜廟荷

勅躡躍爭先臣潘世思惟是賊匪出沒無常或

恩施倉卒不備或衆寡不敵或地利未諳或後兵不繼

致命遂志以於感激報効臣分應然而我

咸加等贈賻賞延子孫或致奠死所其自將領下

城口廳志

卷二十

藝文

五十六

至兵勇臨陣捐軀及漂沒傷亡者無不分別加

五月副將韓自昌陣亡其兄如業先經死事兄弟

名雙烈嗣獲賊康二麻子即歲加業者乃傳首祭

廟併告其母

賚推此帖歡依膝

皇上以孝治天下於軍營各員

向思子子爵承襲照例尤所軫念如王文雄陣亡

母病逝特命環玕於藩庫賞銀千兩額勒登保之

伊家無人照料如親族中有誠實可靠之人即指

名具奏以便將此項賞銀交給收用若無人之可托

侯額勒登保奏凱回京再行面領又慶成之父以

老疾終上以其曾經查核家產慶成之父以

廣儲司賞銀五百兩交其第慶長領回料理喪事

錫類推恩無微不至官給松楸沁八脾慶

士聞之有不入人感激者哉



五年總兵孫清元以父母均故喪室又亡家無次  
丁可以料理喪事兵部請暫時給假歸營一家  
寔安此口下烏鳥私情况在軍行艱選前允  
謝情可矜憐特敕署總督顏檢遺委妥幹丞  
倅攜官銀五百兩付共親族為之安葬如禮  
高厚之恩實伊古馭將恤下所未有

德契

神依彰孔赫

聖代懷柔百神虔恭祀典是以羣  
障一方嘉慶元年畢沅奏荆州關帝廟傍泚得  
大小礮位及礮子實由明神祐相即御書扁額懸之  
督修飾廟宇織造恭繡神袍文昌帝君桑梓  
神座五年三月論梓潼為文昌帝君桑梓  
之鄉官兵打仗殺賊屢次克捷未必不由文昌  
正神默佑著查明本有廟宇頒發御額

城口廳志

卷二十

藝文

五十七

是年冬賊由黃壩河至定軍山夜分武侯祠前陰  
雲四起遙望山前燈火旗幟無數賊驚駭折回南  
沙河兵民共睹無不悚異陝西巡撫陸有仁咨工  
部奏修葺祠墓亦賜親書扁額關帝廟  
曰威震華夏文昌廟曰化成者定武侯祠曰忠  
貫雲霄臣王麟

訓承 御製

祖述戒毋欺

朕恭讀聖祖仁皇帝實錄諭領兵  
因循陋習冒濫軍功定以軍法從重治罪仰見我  
皇曾祖整飭軍紀賞罰嚴明今辦理教匪較當年底定  
三藩難易較殊霄壤此時帶兵大員若有圖海張勇其  
人自必早經竣事諸臣敵愾宣力遠遜罔初而其奏報  
不實鋪叙軍功冒濫邀賞之事何啻倍蓰踰加訓飭  
而軍營錮習未能盡改若不申嚴禁令何以整飭戎行



因敬述 聖訓特救各路奏報軍功務宜從實毋許  
一字虛假若仍蹈前轍著兵部參奏軍事斷難掩人耳  
月別經發覺被人指練團集勇萬民固承平日久民不  
劫必按軍法不貸 練團集勇萬民固承平日久民不  
知兵所至聞風懾被賊焚其室廬其口食穀老弱  
裹丁壯無奈何其勞從民日苦而賊日多皆由無以  
自衛不能堅守之故嘉慶四年曾採堅壁清野之說令  
川陝楚豫各督撫勸村民守堡結寨創挖溝濠悉力保  
護民間遵肯修築而事力不齊未能一律五年春復頒  
明諭現在川陝各處結寨保眾者賊即不能擄掠百姓  
等忙有集勇團練固守村莊賊來則合力迎禦賊去則  
仍安生業擇鄉邑以保室家多一民即以一賊又於孝  
義廳生員潘太康捐修寨堡十處予以從九品選用自  
是民知勤奮堡寨周密阻截賊路坐待兵援賊無所掠  
食亦無從裹人始而民畏賊後遂賊畏民日就衰蹙立  
此制賊良策究不外出入相保守望相助之遺意也  
格頒金五逆夷者奏到即加釀賞雖兵勇在所不遺而  
六年正月朕念宿師日久凡著有勞績

誠口廳志

卷二十

藝文

五十八

總顧戎行特施格外命少卿窩星額裴行簡齋銀十萬  
兩前往軍營會同經畧參贊查出力兵勇按名賞給以  
示拊循而增鼓舞又思招撫之旨頻下而投出甚少現  
在羣賊中徐添德王廷詔為起事首犯高二馬五高三  
屢經戕害大員元惡大慈自稔不容於覆載亦萬無自  
首貸以一綽之理惟有利茲無赦因通諭立格五逆中  
能擒職一名者官擢二等兵勇起補守備賞銀二千賊  
黨縛獻者拔用千總賞銀一千餘如樊人傑冉學勝龍  
詔周苟文明等視此降一等有差是年五月五逆俱就  
擒戮後來樊苟之誅尚川此格蓋信賞必罰為行軍要  
務欲杜邪源宣正學教匪起事由於查拏邪教有司奉  
畏罪姦民藉口驚疑忿激鼓扇羸雜而其勢遂成不知  
天地之大並生並育何所不禁若聚眾弄兵漸成叛逆  
奉法在家持誦朝政原所不禁若聚眾弄兵漸成叛逆  
則王法必不可容無如犯法之人與辦事之人均不知  
此義思有以開覺之者乃製邪教說一篇首端以先聖  
王道德仁義禮樂政刑使民日趨正道不為邪教所惑



繼喻以白運教惑眾騙錢假名竊語聚集無賴失業之  
人流為盜賊延明曉以為逆者法在必誅未謀逆者豈  
忍盡勦所辨理者一叛逆大案非欲除邪教也誠恐以  
邪教終流為不靖在良有司實心訓導宣揚正學化其  
暴戾易俗移風民安本業文成書石遍布內外大臣軍  
營將廣為傳示俾眾咸知朕意

俾遵王路副

天慈

地莠民本吾赤子與境外異類不同古來辨賊之內  
法勦撫未嘗偏廢今教匪怙惡不悛者固當懸首  
裹脅不得已而從賊者但能投誠即屬善良百姓  
其同教中果知畏罪乞命能將他逆擒獻一律赦  
宥令各督撫騰黃出示嗣復再四申明鑒其被賊  
殘虐刺面鑲項開膛炙火之苦並飭地方官給路  
費分老荒謂之難民俾復故業復啟其癡迷勸以  
覺醒比類於臺灣之莊錫舍副將大員苗匪之吳  
隴登花翎工品洋盜投出之張表李發枝等亦給

城口廳志

卷二十

藝文

五十九

頂帶歸榮鄉井 諄復剴切媿德於禹之下車  
湯之開網迨今逆命者身首異處從令者家室依  
然秋肅春溫 法懲避陣成癰養嘉慶五年惠齡面  
合乎天道矣 陽滋事官兵勦辦僅餘三千人景安任河南巡撫  
駐守南陽不肯實力協捕致賊闖入豫境景安不  
發一兵應援惟於無賊處避匿賊遠始行尾隨合  
省無不怨嗚 惟於無賊處避匿賊遠始行尾隨合  
民由其養癰貽患其辦理浙川一案亦係攘功入  
奏得邀伯爵僅予革職發往伊犁轉得置身事外  
著解 京治罪問擬斬決以 罰傲誅降匪數奇  
事隔二年 恩改監候 罰傲誅降匪數奇  
攻破旗鼓寨餘匪竄至謝家營無路奔逃俱跪地  
乞命福宜以臨陣窮蹙非預先投出者可比除女  
犯及老幼釋放外將男犯假以帶同打仗給與號  
褂口糧誘入龍山縣城夜間陸續殺死二千餘人  
之副將呂朝龍質証明確按殺降例定擬又通



諭各路領兵大臣嗣後如有臨陣乞降及從賊  
營投出者皆須妥為安插俾脅從附和之人知有  
生路相率歸誠於勤  
撫大局苟庶有裨益

手諭理申嚴備馳赴嘉慶五年正月額勒登保帶兵由川  
魁倫於達州逗遛八日以兵製衣復為詞復繞道  
行走以致賊匪搶渡嘉陵江荼毒無數生靈總兵  
朱射斗失利陣亡奏入上僅予薄罰並  
論以防守潼河乃伊生死關頭令其固守以觀後  
效乃魁倫疎於防範復徹沿河駐守之黔兵致賊  
匪又過潼河擾及川西完善地方因降  
解到京審擬斬決川西完善地方因降  
應瑀之例賜令自盡並親書一綫援照楊  
以失律之臣不誅奮不顧身者何勸豈有數萬字  
民血膏原野骸骨拋零為君父者漠不關心必欲  
曲法保全一債事庸臣之理頭銜律坐冒功禡嘉  
宣示中外知之臣趙秉冲

漢口廳志 卷三十 藝文 六十

二年三月湖北巡撫汪新奏夾河洲地方綿亘五  
十餘里附近之劉家集龍潭寺本係姚之富等起  
事嘯聚之區林深路雜村落愚民大半習教據襄  
陽道胡齊崙稟稱該處匪徒有竊掠牛隻潛圖蠢  
動情事會同總兵馬瑞派兵搜捕汪新亦帶兵前  
往督辦大加撲捕生擒緊要賊首王集義吳國萃  
散李氏黃世昌鄭宗朝郝以謙並職擒夥黨二百  
餘人當蒙褒叙在事文武諸員汪新旋授總督即  
經身故三年十月查出胡齊崙辦理軍務種種虛  
捏將就撫之民誘出誅戮希圖冒濫邀功胡齊崙  
以私銷軍需伏法並將汪新追奪官職革去  
廢生其前經陞叙之二十六員概予注銷  
胡忍逼民反達州首逆王三槐徐添德等惑眾倡  
緣司牧者平時不能化導撫綏又或縱容奸書蠢  
役需索刁難逆匪遂借官逼民反之說四出勾連  
以致頻年潰裂匪徒借官逼民反之說四出勾連  
州戴如煌交勒保審擬嚴究發戍并諭各省



督撫所屬州縣有似此者概行參劾查辦其素得民心如劉清諸以謙方積林嵐等即請陞擢庶其知貪墨屏退循良進用習教者得公帑敢行贈友改行安居從逆者知悔心效順私萬自元年勦辦教匪至四年間帑項已費七千餘之計無以糜帑為飽橐之資中諭不啻再三乃湖北道員胡齊嵩經手襄陽石軍需四百餘萬並不按例支發恣意侵扣任情醜送因命拏解來京審訊得實法無可貸賅罪並宣示各路軍營以餉銀皆兵丁等衣糧舛履之資從征之士不能飽煖焉能破賊以致賊害良民不可屈指其罪皆由此等劣員所積聖訓煌煌除軍營之積弊即以裕兵丁之生計仁有義正重吏師干殲厥渠魁輕去草關等設立悄悄會咸深感懼名日聚眾謀逆知縣祝澄率鄉勇往擒振關其子克祥鳩眾奪犯布政使王文湧捕之不獲副將蕭

城口廳志

卷二十

藝文

六十一

福祿帶兵馳到圍之擒戮二千數百人中  
有良民及入山避賊脅從者蕭福祿不分玉石概事駢誅張大邊功長麟遽以入告部中據摺議叙長麟軍功加一級紀錄二次蕭福祿軍功加三級嗣查辦該犯家屬財產奉旨除武振關外其家屬概免緣坐叛產亦免查收陝省正值望雨之時旨到即沛甘霖旋密查得實將長麟優叙註銷蕭福祿降為參將戶萬承風出于坎窞悵烹雌况當功屈垂成之際尤宜加意經畫疊頒諭旨反覆叮嚀不令一夫失所乃陝西白河縣知縣阿齡阿接收大營發到難民將無籍可歸之精壯男子挑入署內充水火夫其無歸婦女竟在本城擇人婚配經陸有仁參奏即有草職嚴究之旨并令飭以後有親屬尋至又將如何辦理且恐該草令及書役等有私留婦女通同得贓應研訊情弊懲罰劣員不稍寬假而撫綏良善即所以革匪化頑天理人情聖心所蘊靡不







城口廳志

卷二十

藝文

六十三

其地民各衛其鄉此勦賊所以必用鄉勇也其民  
 間自為團練者聚則為兵散則歸農可無他慮至  
 官募之鄉勇半皆流寓貧民隨時徵召協同打仗  
 技藝久既漸嫻門狼已成素習在後若不安為安  
 官不乏其人而隨眾聚散者裁撤而為匪頓年屢  
 怖則桀驁難馴衣食無策更易流而為匪頓年屢  
 頒諭旨飭川楚陝各督撫因時制宜熟商妥  
 議或令隸入兵籍或令充補壯丁或給以荒地官  
 山或賞以絕田叛產聖  
 心周摯惟在奉行盡善耳  
 上以陝西諸處及川東川北一帶湖北之鄖宜二  
 行與山房縣等處地方刻下自無成股之賊在彼  
 涖藏或有零星散匪十數為羣遁匿大山老林中  
 若不淨絕根株仍恐復行糾聚爰於十月中旬分  
 行排揆務令周備切戒用不曉事之人張皇求索  
 有意邀功生事擾及無辜並令出示曉諭居民以  
 爾等山居已久本屬善良連年賊被官兵勦急一

二餘匪逃至山內捏稱難民告投爾等無識誤留  
 亦在所不免現在大功告成賊已勦淨如爾等家  
 內住有來歷不明之人即行縛獻斷不治窩留之  
 罪不必畏懼容隱仰見  
 賊之中切惻怛愛民  
 之隱仁義實兼之  
 會哨須成九達  
 督事既勤平天堂天馬寨兩江總督丹繼善兩湖總  
 督永常奏令安徽湖北兩省鎮道縣營每年會哨  
 直省而沿海宵分北自登鎮南至澳門每年提鎮  
 親身巡洋指地換旗報總督查覆此定例也近奉  
 諭統兵大員於勦捕之便熟悉情形與督撫  
 議定章程每年三省派出提鎮大員於川楚陝交  
 界內定期會哨一二次奏明遵照辦理蓋姦徒生  
 事聚糧造械必非旦夕所成不時稽查易於防禁  
 且僻壤斬成通衢山嶺知畏官法固成例之宜循  
 更善後所  
 必舉也



閩澤銘勳榮勤鼎

有世才至年班學士下及城軍

靡不歎欣休舞喜騰雙闕慶溢九衢  
功之不易鑒眾志之大同七載以來領兵大臣沐  
雨櫛風備嘗艱阻以及徵兵轉饟團勇安寨之各  
能各殫心力允宜晉沛酬庸成親王永理曾贊樞  
務擘畫機宜予一子貝勒儀親王永璘仰體憂勤  
嘉謨時告予一子貝子慶邸王永璘定親王綿恩  
念切軍務醇謹勤慎各予一子八分公額勒登保  
受任經畧運籌決勝躬履行陣與士卒同甘苦厥  
功殊偉晉封一等侯世襲罔替並授御前大  
臣加太子太保賞用紫纁德懋參贊師干奮勇  
超象所至克捷助績炳然晉封一等侯加太子太  
保賞用紫纁予伊子副都統銜勒保復任川督後  
連獲首逆全境廓清晉封一等伯加太子保明  
亮多年宿將彰辨孝感縣賊成功最妥載念前勞  
封一等男西安將軍賽沖阿固原提督楊遇春在

城口廳志

卷二十

藝文

六十四

將領中勇畧尤著首功較多均予輕車都尉世職  
陝甘總督惠齡從前著有微勞賞還一品翎頂湖  
廣總督吳熊光糧運團堡經理實心加太子保  
從優議叙姜晟前在湖廣任內並無貽悞倭什布  
前在湖廣亦曾帶兵勦賊平日官聲尚好均賞還  
一品頂戴福宜英善著有勞績福宜給副都統銜  
英善給頭等侍衛陝西藩司溫承惠四川藩司楊  
揆川肅藩司文需四川臬司劉清帶兵籌餉數載  
勤勞交部議叙大學士慶桂董誥尚書戴衢亨在  
軍機處行走多年克矢忠悃承旨書諭  
勤慎小心慶生董誥均下騎都尉職戴衢亨加  
太子少保予雲騎尉世職尚書劉觀之德瑛雖軍  
機處行走未久素目陳奏時有所見協辦大學士  
朱珪尚書彭元瑞跡未入直樞廷亦能留心軍務  
每有敷陳均交部議叙大理寺少卿章煦在軍機  
章京上行走終其事從優議叙宜綿前辦洞汝  
河賊尚篤認真以六部員外即用景安平日居官  
廉潔加恩釋放充當熟河披甲仰見



是微勞必錄前事不忘輕重咸宜推衡悉當不特  
身受者感激奮勉已也又以京外大員同殿盼捷  
命吏兵二部查明文職三品以上武職二品  
以上從前降革留任處分摘案錄奏另降恩  
旨又特旨飭查出征兵弁所借整裝銀兩三  
省州縣百姓所欠帶緩糧米行候需恩至明  
燭而瑾戶開大澤行而賦封湖普天率沐  
膏詠勤者尚有加麻已也戴殿泗  
御者功飲至待酬匪前以參贊德務泰為戎都將軍旋  
操總戎即青兼守土併諭以何者全定即何人回京今  
幸羣賊殄除三省底定策勳飲至禮亦宜之然而苞枿  
盡芟根株宜固不妨火逆月日解中來朝朕方厘  
又安長治之規二臣亦宜建成功善後之畧也三年  
訓政勞心切政皆荷上日仰承訓示予小子敬奉以行二月有  
湖北教匪起事之鄂皇考焦勞軍務批章發諭  
宜方畧機宜仰聆指授每

城口廳志 卷二十

藝文

六十五

神謨所運備極周詳至己未正月二日聖製望  
捷一章遂成麟筆未竟之志盡傷于心茲所聯詠  
四年以前決策執俘之事皆我四載籌戎歲事遲予小  
政之次日即傳諭領兵統帥四省督撫以皇考遺  
志付託有人諸無末命惟是安民除賊遺大投艱  
倘賊一日未平即予與諸臣負疚一日何以仰對  
在天之靈此四年中每當戰勝捷傳適遇祭期附文虞  
告躬詣裕陵七度展謁之際俯伏默奏仰求  
靈威陟降速賜成功即每日籌辦軍事一切馭將  
勵兵無非仰遵十全成法今皇考謨烈佑啟之所  
克繼志述事皆我  
也 奕裕 威沐

天恩咸底定

遺謨敬守聳丕基



欽頒

聖廟匾額

康熙二十三年奉頒

御書萬世師表匾額一道

雍正四年奉頒

御書生民未有匾額一道

乾隆三年奉頒

御書與天地參匾額一道

嘉慶五年奉頒

城口廳志

卷二十

藝文

六十六

御書聖集大成匾額一道

道光元年奉頒

御書聖協時中匾額一道

聖廟萬仞宮牆聖域賢關金聲玉振戟門櫺星門各匾

額 字跡道勁俟乾隆六十年太平知縣閻中進士鍾蓮書於太平 聖廟道光三年城口白太摹

刊 回照

復興場

關帝廟匾聯

欽差大臣成都將軍一等繼勇侯德楞泰嘉慶九年孟冬



川獻護國四字匾額一道至大至剛山南夫

子極忠極義漢室賢侯對聯一幅

其匾額字跡端莊係石軀玉毀

撰所書時殿撰除川東道隨軍督辦糧務至此

欽命四川全省提督軍門費依里巴圖魯豐紳嘉慶十年

二月獻忠義參天匾額一道斷斷千古大臣風規

而侯而王不足報當年事業循循然真儒者氣度

曰聖曰帝方能昭此日英靈對聯一幅

四川川北鎮總兵薛大烈嘉慶七年九月獻浩氣

凌霄想當年乃文乃武英靈貫日垂萬世作君作

城口廳志

卷二十

藝文

六十七

師對聯一幅

詩

閱城有感舊志

柯相

太平今戾止偽節控旌麾白屋饗周粟青天睹漢

儀閭闔淳習蕩城郭壯圖非滿目瘡痍在調停可

後時

檄林令議叛戍營

柯相

小封真太僻潛釁足風波陝蜀流亡藪烟雲變態

多戍兵哀露宿營棚擬星羅試問青油幕其如挾



續何

東太交界

柯相

西封元混一宰割自何年松檜充官販椒茶上貢  
錢山童連色慘地老竟皮穿治象真蕭索彈琴憶

昔賢

閱城有感

和前韻

林一元

縣控三藩界旌來萬里麾城盤龍虎勢山起鳳凰  
儀保障能為是與圖惜割非北門邊鎖重不戰太

平時

城口廳志

卷二十

藝文

六十八

議叛戍營

和前韻

林一元

三湘烟月滿萬頃水池波陣列龍蛇在關防虎豹  
多山谿天設險枳棘鳳凰羅金鏡太平策籌邊事

若何

太平八無

舊志

王舟

無民

何須司牧到三巴白骨青燐入望賒環邑無過數  
十戶問民且在兩侯家

無賦



爭道白雲不可屯荒榛斷按  
郊原桃李一洞賢  
安堵那有催科吏到門

無城

玉滿都清萬劫中麗樵無復  
四百東洞門直達官  
街上鎖鑰何勞寄寇公

無訟

不須犴狴警無良兩造全虛於  
為堂獄吏雖尊何  
所用直教刑措比成康

無學

城口廳志

卷二十

藝文

六十九

屬車來謁日方曛環珮趨鏘  
瓦石中當日澤宮悲  
茂草於今有草却無宮

無署

數椽能蔽風雨無斗室原堪置  
此軀復古還從巴  
蜀始土堦茅舍是唐虞

無士

但聽援聲掛薛蘿荒城那得有  
絃歌可憐碩果曾  
無幾破帽相看鬢已皤

無錢



鼓鑄開停數十年青蚨何日復飛還便教兩袖如  
劉寵臨去無從揀大錢

三義祠

王舟

萬年扶漢鼎千古仰風流地水通仙境山雲覆畫  
樓靈禽時靜聽香客晝來遊忠義儼如在英雄孰  
與儔

登峽口山

廖時琛

怪石嶙峋景最奇如旗如劍列江湄一夫雄據千  
軍廢萬徑蹤跡百鳥避形接漢江秋水濶勢連秦

城口廳志

卷二十

藝文

七十

棧暮雲迷太平冰雪如春暖此際遊人極樂時  
諸葛城

廖時琛

秣馬臨風向登高憶舊都猶悲出師表尚想卧龍  
圖野樹蒼烟斷津樓曉夜孤誰知萬里客懷古正  
踟躕

避亂宿大石嶺

周思陶

蠶叢鳥道不堪行落日停驂望眼凝石徑斜迴青  
嶂曲瑤臺半落白雲層功名老我無家客邱壑知  
誰有髮僧洗耳泉聲清不寐坐看霜月上冰藤



黑天池

竇容遠

巖岫與雲雨蛟龍護宅黑總因波不揚轉使尺池

塞

文廟文昌宮學署次第落成喜賦

同知

吳秀良

全徽舉人

在昔干戈地於今改舊顏宮牆三面拱樓閣五雲  
環野甸分青邱遙岑擁翠鬢此中有佳士吾欲仰

高山

其二

共此勞心者應憐着手人山河猶太古俎豆已維

城口廳志

卷二十

藝文

七十一

新國帑關經費民膏念苦辛所欣師道立桃李盡

逢春

道光甲申冬日雪後登八台山

吳秀良

八台山上八層台雪後登臨亦快哉轟漢竒峰成  
玉琢向陽老樹半花開地分兩界民風古河劈三  
條水脉洄下盡波陀搓倦眼始知身自白雲來

贈夏鷺汀司鐸

同知

王夢庚

金華拔貢

粵西冀北種花殘解組何妨作冷官老去文章高  
屈宋秋來首肯徧闌干百城列座縹緗富千里思



家道路難漫以軼軻賦歸去寒飴從占屬儒冠

贈徐林屋參軍

王夢庚

萍菹蕤蔞不成醺燭炮茶枯夜欲分竟文論心連

舊雨十年判袂滯停雲長吟方外應慚我入幕風

流合數君莫謂空山太岑寂萬峰深處鳴呼羣

城口廳志

卷二十

七十二



城口士民修

同知吳秀良

全椒舉人

聖廟及祠宇學署序

今

三御極之初以川陝楚交界地方為從前教匪出沒之區幅幘寥廓最易藏奸急宜添建廳縣營治以資撫輯

勅下三省督撫會議於是陝西之興安府增設磚坪通判湖北之鄖陽府增設白河同知其佐雜營汛亦各更易而川東之直隸太平廳復改為太平縣添

城口廳志

卷二十

藝文

七十三

設典史一員其廳缺照磨訓導移駐城口以原設之經歷分駐高觀寺場地分三保隘守一城既犄角之遙連復犬牙之相錯易稱設險書曰畫圻斯為備矣余於是年以卓薦入都二年蒙

陞任宮保中堂蔣奏擢斯秩下車以來周覽疆輿俯稽形勝八百里西流之水響答笙簧千萬重東折之山勢成旗鼓猶憶元年仲春隨侍嚴樂園方伯履勘之時方伯謂余曰川陝門戶蟠鬱於茲肇造經營當藉手於子余遜謝不敏今方伯已歸



道山入祀名宦而知已之威每一念及輒泫然也  
維時大憲垂念邊陲畀以重任余亦不敢畏難不  
得不急所當務定學額撥廩增程賦稅悉彼髦士  
爍濟濟之冠裳穀我農人播幪幪之麻麥凡應修  
壇廟衙署倉廩監獄俱一一請餉修建土木雲興規  
模日麗工料經夫父遠縑毫不累閭閻而紳民唐  
魁袁天生李為方等疊以司修

聖廟  
文昌宮

及祠宇學署為請余據情上達

大憲嘉我

紳民之瘠而好義也俯如所請紳民等或任勸輸

城口廳志

卷二十

藝文

七十四

或稽匠作或勤奔走或莞出入星霜駛邁共憐托  
鉢之勞繩墨縱橫大有運斤之巧惜脂膏而持籌  
必節歷險阻而躡屩欲穿我紳民先后共捐大錢  
肆千伍百零叁串叁百伍拾文經始於道光三年  
二月十六日落成於四年十月初一日昔之密菁  
深林今則菁莪棧樸也昔之鉄馬金戈今則鐘鏞  
俎豆也首事凡十有五人三年之間有其身已食  
醢膠庠有其子已拈香芹藻者振扶搨之翮拭目  
青雲敦圭璧之躬潛心黃卷含英咀華流光積厚



於以仰副 大憲作育荒陬之意詎有涯涘耶李  
生爲方袁生天生將毀姓名錢數於榜乞余作序  
因爲之述其顛末以昭永久云

新城書院碑記

吳秀良

疆域之沿革與山川之氣運相爲循環也此其間  
或十數年而更新或十數年而由舊申畫郊圻舉  
深林密箐而澤以文明是在爲民上者之默運潛  
移而規模丕變焉城口舊設主簿一員歸太平縣  
管轄無所爲書院也嗣陞太平縣爲直隸廳改主

城口廳志

卷二十

藝文

十五

簿爲經歷分駐城口亦無所爲書院也

今上御極之元年

勅下陝楚川三省督撫會議將太平廳改爲縣改廳缺  
於城口分經歷於高觀寺而訓導照磨亦同時移  
駐二年余蒙

礪堂宮傳奏擢斯秩蒞任以來於領項修建之外  
督同士民捐修

聖廟  
文昌宮

暨學署數載之中樓閣雲連鐘鏞響答耳目所經

非復曩時之景象矣茲奉



羨門制府通飭川省興設書院並今各鄉場分設  
義學俾通都小邑絃誦相聞一時之爭先慕義者  
蓋莫不翕然景從也夫書院與義學均為造就人  
才之根本士之品於是乎立士之業於是乎精城  
口雖分太平十保之三而山有八台百支三排之  
險水有前河後河中河之勝學校初興尤為先務  
惟是地瘠民貧前此捐建各工甫經告竣余方慮  
我士民之力有不繼也乃鶴俸首倡而鳩工畢集  
解囊者不限於河山積腋者頗孚於風草統計各

城口廳志

卷二十

藝文

七十六

鄉義學已得二十處而書院一座亦不數月而適  
觀厥成固由衆擎之好義抑亦我首事諸人之不  
恤勤勞經理得宜副

大憲培養邊陲之意也從此鷄窓螢火共安廣廈  
之棲鴈塢龍門同闢扶搖之路是此邦之福由此  
邦自造之而其福詎有涯耶  
廩袁天生  
生李為万等將刊碑  
以垂久遠爰述城口改建之由而為之記云



培修 文廟記

通判 劉紹文 武進 監生

昔魯哀公誅孔子曰尼父為之立廟舊宅置卒守此廟所由昉也漢高帝過魯祀以太牢是其廟僅在闕里明帝始詔郡縣祀孔子靈帝置鴻都門學畫先聖及七十二弟子像廟制均未詳唐興武德二年詔國學分立周公孔子廟貞觀二年別祠周公尊孔子為先聖越四年詔天下州縣皆立孔子廟四時致祭宋詔文廟門立戟諡至聖文宣五元世祖詔春秋二丁釋奠明嘉靖中釐正祀典改稱至聖先師孔子四配稱復聖顏子宗聖曾

城口廳志

卷二十

藝文

七十八

子述聖子思子亞聖孟子十哲以下皆稱先賢左邱明以下稱先儒去塑像設木主罷封爵 國朝

世祖章皇帝諡為至聖先師孔子通行直省各學尊禮之隆至當不易超軼前古蓋以吾夫子生當衰周開來繼往祖述憲章植萬古之綱常立百王之大法使天下後世知有君臣父子夫婦長幼朋友之道其功德更有賢於堯舜文武者宜其世世崇報有加無已也城口昔隸太平原無廟學

今上御極之二年改設廳治前丞吳秀良倡同闔屬三保士



民捐貲若干始度地於城外東南隅建修聖廟以崇祀典歲壬寅余守斯土於仲春上丁釋奠禮成周視堂廡見其丹雘黝闇齟吻傾頽蔓草侵階漏痕滿地規制雖在毀敗不堪詢知創建以來再二十餘年矣雖時久則做理有固然顧非所以妥聖贊而崇文教况聖廟為學校本源之地尤宜莊嚴以肅瞻拜者哉急欲新之以任事伊始不遑暇及適邑紳等公稟培修文廟並請以各鄉義學餘息酌抽幫助為項余思培植學宮守土之責且為夙

城口廳志

卷二十

藝文

七十八

有志焉而未逮者抽幫義學餘息更備以公濟公欣如所請隨曉諭各義學均翕然樂從共抽幫錢三百千文先是首事者買辦筒瓦石灰等項用去錢一百三十千有奇議者謂該處陶人製造不如法向大成殿蓋筒瓦多漏損疊經補苴不止請罷筒瓦衆然其說余從之爰派候選州判袁天生督理一切廩膳生袁苞監匠作添換片瓦建甍作脊楠柩門壁損壞者更易之金碧丹漆毀污者重輝之自癸卯二月開工至閏七月藏事凡大成殿崇



聖祠兩廡戟門並櫺星牌坊賢關聖域名宦鄉賢  
及匾額牌位帳幔月臺丹墀泮池宮墻甬道圍垣  
悉皆修葺完善煥然一新斯亦足以壯觀瞻而度  
禮祀矣是舉也不傷民財不勞民力不需時日費  
省功倍首事者自備火食其不敷之數余捐廉足  
之統計用錢三百二十千有奇尚剩筒瓦若干足  
石灰若干石存之以備公用學中諸生瞻仰其間  
者僉稱委任之當辦理之善也請為誌之以昭來  
許今愧不文記惡可已竊維聖人之道彌綸宇宙

偕天地而永久揭日月以常新所願斯廟之成與  
聖道並垂不朽是入望諸後之君子維持而保護  
焉以共諒區區之意云謹記

新修魁星閣記

劉紹文

近世郡縣多於文昌宮前或左右建置高閣名  
為奎樓供神像於上其狀藍面赤髮獠牙巨口獨  
立鰲頭握金執筆如闕立本所圖變相者稱為奎  
星殆附會於宋時五星聚奎之說以為文明之象  
士人祀文昌者必兼祀之意以文昌主宰文



場而獲售必在奎星不知奎乃西方白虎之精爲  
天之武庫而非所以掌文衡也嘗考天官書魁杓  
參首正氣曰魁斗第一星又考斗戴筐六星其三  
曰貴相理文籍六曰司祿賞功進士統曰文昌  
宮故士舉於鄉題曰文魁蓋取其第一之義又將  
受祿於朝而上應乎司祿之權然後知世俗稱奎  
者爲魁之誤而士人之崇奉之者不爲無因也余  
自道光壬寅春視事成口見其附近祠廟漸就傾  
頽爰籌款捐廉以次修葺癸卯之夏一律完工時

城口廳志

卷三十

藝

文

十

邑紳袁天生等公請建修魁星閣且曰形家者言  
廳治科甲不廢因三言之方秀峯未起宜於聖  
廟巽地高構樓閣以培文風余謂堪輿之書固屬  
渺茫而培植地方實守土之責況日月星辰祀典  
所在又非不經淫祠比也遂允其請即於紳民中  
遴選老成公正者首其事分簿勸捐閱廳士民踴  
躍樂輸錢共一千伍百餘千文乃度地於城之東  
南岸山老營盤拓基礎石鳩工庀材諏吉八月十  
三日建暨十二月落成閣三層高六丈有奇上層



供魁神像於其額曰魁爾坊中層四面窓櫺繞以  
雕欄為登眺之所下層三壁皆碑前為屏坊傍闕  
家西晒房各一閣後圍屋三間閣外槽門一道繚  
以垣墻統計用錢九百四十餘千文餘錢為纂刻  
廳志之費是閣也規模宏峻巍然獨出於峯環水  
繞間聳翠流丹輝金映碧洵足以增山川之色而  
聚秀靈之氣宜徒備一觀之景勝壯一觀之觀瞻  
哉將見地靈人傑英才蔚起高登黃甲共步青雲  
有如形家所言者嘗亦予之所厚望也因誌建閣

城口廳志

卷二十

藝文

十一

之由並証稱名之設以鐫諸石

培修城隍廟碑誌

劉紹文

易曰城復於隍城者盛也盛受因都也隍者城下  
濠也凡以資一方之捍禦初未聞有神也然城隍  
之神正以其能捍禦禦災而稱之是城隍之神亦  
如山川社稷之各有其神也抑又聞之蕪湖城隍  
廟建於吳赤烏時北齊慕容儼鎮郢城城中舊有  
城隍神祠梁武陵王祀城隍神唐以來郡縣皆祭  
城隍至宋尤謹祈禳儀賽獨祀之明洪武中釐正



天下神號始封監察司民城隍伯且令置公案與  
州縣官視事同

國朝會典直省府州縣歲清明節七月望十月朔祭厲  
壇於城北郊奉城隍神位於中其廟祀由來久矣  
城口自道光二年改設廳治吳丞請項建修城隍  
廟於城外東南隅以時崇祀越二十二年壬寅春  
余守斯土適首事等以原存積款若干稟請增修  
樂樓竊查酬神演戲例所不禁而城隍廟之有樂  
樓處處皆然准如所請一時士民踴躍樂輸又得

若干其不敷者余捐廉足之添建樂樓一座耳樓  
二間吉神土地祠各一間東西廂房共四間並將  
原建之殿宇廊廡神像及瓦脊垣牆悉重加修飾  
總計費用三百餘緡秋九月工報竣余往瞻謁見  
其金碧輝煌煥然一新惟階級促狹甬道殘缺非  
完善也因續捐廉若干鳩工甃石增置而寬廣之  
首事者以誌請余維幽明一理無二道也幽之有  
鬼神猶明之有官長也民有作奸犯科官則治之  
民有旱潦災祲神則衛之甚有法令所不能齊者



往往質諸神明而不敢欺然後知古聖人神道設教之意所以輔治化之不及也神之有功於民大矣廳民信鬼而畏神習俗使然因其俗以爲治或亦利導之一術也是爲誌

培修祖師觀記

劉紹文

記者載事之言也事有創建之本末與復之次第流傳之真僞有記則皆可參考而知且使後之覽者不致有魯魚亥豕之疑也廳城西門外有廟曰祖師觀其神蓋道書所稱北帝元天真武祖師以

城口廳志

卷二十

藝文

八十三

以祖師名我

朝列入祀典以春秋仲月致祭城口自改設廳治以來前丞等皆以朔望詣廟進香遇祈禱等事多設壇於此道光初吳丞曾捐廉修葺王丞復置龕幔裝采神像余蒞任之明年初夏偶旱禱雨其間詢及建置之始廟祝曰歷無碑誌惟聞人言相傳建自明初神像由陝西飛來背後有字殘缺不全廟前鐘亦明時物也余意其荒誕無稽即親至神座後焚燭審視神像係鐵身高六尺餘約重數千觔左



臂果有大明正德口年，勅鑄陝西匠陳仲■等字，尚可辨識。餘皆磨滅。復視其鐘懸廟門左廊檐下，約重二千餘觔。上有嘉靖戊午三月重造，乾隆四十二年十二月二十二日再鑄等字。由是觀之神像，實陝匠人所鑄。云飛來者，誠妄也。而廟之創始，其即正德時歟？大抵明季之亂，燬於賊。

國朝乾隆間重修。嘉慶初復為賊燬。今廟又戡定教匪後，居民再建者也。而乃歲月既深，漸形頹敗。爰捐簿俸，聊為補苴。凡瓦脊之彫零者，加以墾塹廊楹。

城口廳志

卷二十

藝文

八十四

之黝暗者，施以丹漆。其他垣牆山門，一律修飾。規模仍舊，而氣象維新矣。然余竊有感焉：天下之事，耳食者虛也，目擊者實也。以訛沿訛者，習焉而不察也。如是廟神像，顯有可徵，而相傳之誤，尚至於此。聞之者亦遂信以為然。彼異端邪說之欺世而罔眾者，類如是也。余因其所親見者，詳為記之，亦藉以曉流俗之易受其惑者。

平坝妙音寺碑記

達州鄒鑑

成化乙未余以



上命來教於達庠見達邑之山川秀麗人物俊偉及觀  
通川舊志又見輿圖之廣東接荆襄北連巴漢其  
間古跡勝境名山大寺歷歷可美極欲往觀以忘  
吾憂明年分學東鄉繫官一隅願莫之遂又明年  
東邑大尹玉山吳公新以僧會舉於東續潮膺薦  
此行來余告曰太平里停坝香山妙音寺古之勝  
地名刹也在縣治東北二百餘里漢唐以來蓋莫  
之盛至元末復衰基地雖存未經修建洪惟我  
朝以仁孝治天下崇儒重釋詔度羣僧天順丁丑歲

城口廳志

卷二十

藝文

八十五

有勅建大隆善寺僧首三丹巴迺山西太原人也  
自北而南持錫來遊西蜀躬詣東邑太平里覽勝  
是寺其檀那致仕官龐政偕其兄龐從原義官袁  
道宗等嘉其篤行是教謂宜住持於是修葺寺宇  
廓而大之始於天順丁丑迄今成化己亥垂二十  
年凡佛殿僧寮鐘樓山門一應修舉者靡不新之  
視昔之舊址煥然而爲之改觀矣願請一言爲記  
俾後之覽者善念油然而生也余聞佛西方聖人  
也其教象教也三丹巴以浮圖之學從其教其心



豈不曰天下無一佛有功德於十方即有功德於其  
教而無愧於為佛之徒矣哉世之學儒者能以  
此丘之心為心則凡有功德於吾道天下之事莫非  
吾事亦何有不可為哉余竊為記倘他日得造以  
觀尚當以其所未言者為比丘告時大明成化十  
五年己亥歲十有一月上澣記  
廩生 洪錫疇 邑人

重建修溪坝

### 禹王宮碑記

傳曰有功德于民者則祀之大禹當唐虞之世洪

城口廳志

卷二十

藝文

十六

水方割下民其咨乘四載之勞經八年之久勲成  
疏鑿績著隨刊九州攸同萬世永賴陸馨香于歷  
代徧廟祀于寰區凡以報明德之遠也楚人之居  
蜀者則特奉禹王神像建廟崇祀稱之曰湖廣會  
館夫天下郡邑之有會館也其始不可考大抵同  
鄉共井之人或宦遊于其地或商販于其境共建  
公所得于歲時伏臘會集其中以聯桑梓之情而  
慰異鄉之感又恐人心不齊或有相欺相詐者質  
諸神明以為憑然皆各以其鄉之神而祀之如天



后宮爲廣東館萬壽宮爲江 館是也考蜀志禹  
生于蜀之石紐村茂州則有大禹廟錦城則有神  
禹坊未聞以會館稱也而獨以爲湖廣館者及問  
之楚人亦皆莫識其所自竊嘗思之東南之水江  
爲大次莫如漢其原皆發于蜀江自岷至滄經武  
昌滙漢始益大漢自嶓冢至大別入江俱楚境楚  
人之入蜀者必由二水泝流而上所歷如瞿塘滄  
瀘新灘木欄等處皆爲刀楫危險之地而往來商  
販如履坦途初不知有蜀道之難其士大夫之宦

遊者亦覺布帆無恙使當日無禹疏瀹而排決之  
詎得安瀾順軌如此哉以是思功德之所留貽而  
楚人之羣尊而奉之以抒其誠敬者此其微意歟  
城口七保修溪堤自乾隆五十年興設場市楚民  
懋遷于此者衆爰醵金建修禹王宮以爲會館嘉  
慶二年教匪滋亂廟宇焚燬迨道光七年糧民蹇  
光德捐舖房二間培修補葺改爲禹王宮歲時奉  
祀第基址窄狹屋宇湫隘非所以妥神靈而快衆  
心至二十二年街民周鳴岡等首先倡義請示出



薄募化同人一時踴躍樂輸共得一千餘緡乃度地于場之左于二十三年八月鳩工庀材拓基砌石建修正殿兩廊樂樓客房圍屋垣墻飾以丹雘輝以金碧煥然一新三閱月而工竣庶足以肅觀瞻而崇裡祀矣共計費錢若干其餘錢若干以作看守焚獻之資首事者將鐫捐貲姓名于石因述巔末囑爲之記以垂不朽云

新城書院跋

吳秀良

太平廳舊志載城口山下有中前後三城爲諸葛

城口廳志

卷二十

藝文

八

武侯屯兵之所其遺蹟均不可考今之巋然於萬山中者乃新城也自道光二年移設廳治於城口數載以來山川猶舊氣象更新菁莪棧樸士習新也葺薄從忠民俗新也由此釋褐聯登而科第新彈冠相慶而仕塗新是斯城之成與維新而鼓舞作新以臻於日新月盛者誰有艾耶觀雉堞之崑莪拱龍紋而照耀顏曰新城書院生是邦者尚其顯名思義爭自濯磨以仰副大憲作育邊陲之至意是所厚望焉



西城門樓匾跋

道光十七年新修磚城告竣題匾以誌共事匾署作新二字

覺羅春珪

滿州正藍旗海虞生

新城兩字吳椒南觀察秀良以之名書院也考其

原因漢相武侯鎮漢中時駐劄於此築土垣以衛

居民所謂前後中三城者是地居其一故於今仍

有諸葛城之稱道光十五年孟恭膺

簡命由太常寺司員來守茲土見是區並無城垣僅有

營堡是有新城之名而鮮新城之實且係嘉慶初

年恒方伯敬任司馬時所建歷年既久門皆欹側

墻盡傾頽觸目心焦萬難袖手雖經即時修補無

城口廳志

卷二十

藝文

八十九

如一遇陰雨仍復坍塌再四思維惟有改建磚城

庶足以壯觀瞻而資保障然而計雖萬年可又力

非一已能施爰倡俸廉面同紳士李為方袁大生

等詳細商酌勸捐於衆即令該二生首率其事閭

屬士庶罔弗忻然樂從踴躍恐後於是攢珠集錦

運料鳩工凡八月而城成而氣象亦煥然一新矣

可見急公好義之忱風俗人心之厚古有以仁里

名鄉者我城口真堪當此而無憾焉除照例詳請

嘉獎外並將捐背各姓名刻石以垂久遠而今而



後金湯永固宰家盈而仁德成風玉帛常置學校  
隆而文章報

國快人文之起喜稼穡之豐 將見

恩承

北闕之施

厚澤與

深仁共沐善著西川之首睦媯偕孝友同書蕩蕩平平

熙熙皞皞共優游於

聖天子

城口廳志

卷三十

藝文

九

仁壽之宇互相砥礪於新我新民而日新又新也豈不  
懿歟



重修 武廟碑記

劉紹文

從來祀典之修凡以崇德而報功也關帝之祀自漢以來歷代尊奉之而不敢褻而於我

朝屢徵靈異疊膺

宸封特勅天下郡縣建廟崇祀頒定儀注幾與文廟相埒蓋以帝生當漢季志在春秋扶正統於三分完大節於千古獨彰信義自篤忠貞浩氣凌於雲霄丹心貫於日月神明如在靈應常昭宜其崇報之隆有非他神所可比者城口西關外舊有關帝廟

城口廳志

卷二十

藝文

九十一

其建置自嘉慶七年裁定教匪參贊大臣一等繼勇侯德公楞泰駐軍於此率同將弁兵民等捐貲創建以答神庥由是興立場鎮香燈弗替道光二年改設廳治前丞吳公季良重加修葺以爲春秋奉祀之所十六年秋七月河水氾漲廟基神座皆爲冲塌雖經疊次補葺而河高灘陡一遇大水即不免有湮溢之患余自壬寅春來守茲土凡近城祠廟一律培修至癸卯冬以次及此爰捐廉倡勸闔廳官紳兵民踴躍樂輸共得五百餘緡乃度地



於廟後高殿之處本年二月興工適余又有奉調  
雷陽之檄恐誠不克終事剋期建修正殿三間抱  
廳三間東西山門二道周圍垣墻 道塗以丹麓  
飾以金碧規模粗具氣象維新斯亦可以妥神靈  
而垂永久矣其舊廟正殿廂房並加修補存作公  
所惟是急就成章未能如制實歎仄焉至於增其  
予之所未逮云



袁茂才傳載袁氏族譜

廩生 洪錫疇

茂才諱天倫城口七保粟子坪人生而穎悟喜讀書年二十補博士弟子員因貧棄舉子業授徒於家布衣蔬食自若也嘉慶初白蓮教首張漢朝率眾擾境人皆望風逃茂才獨不避或強之去亦不從未幾賊至被執不屈正色曰聖人云攻乎異端斯害也已汝輩罪不容誅喪無日矣賊怒遂殺之至死罵不絕口此三年五月二十三日也大府以其事

城口廳志

二十

藝文

九十三

上聞

勅入昭忠祠並建坊於太平茅垵子榜曰臨難不苟

袁處士傳 載袁氏族譜

洪錫疇

處士名長寬世居城口竹園垵其先志豪公為元將元季討賊來川值鼎革隱迹於茲處士其十三世孫也性骨鯁明大義胆度過人多謀善斷不侮鯨寡不畏強禦慎行寡言循循以禮讓自矢慷慨好施與遇貧不能葬娶者必賻助之善排難解紛里有因事相爭往往得處士一言以自釋其生平



大畧有如此者乾隆五十年間白蓮教首某潛至  
於境傳教誤入迷途者甚衆處士覺其事遇人必  
規戒曰此邪教也後必罹殺身之禍已入教者宜  
速悔之未入教者宜遠絕之其於族黨中詞更嚴  
切六十年教匪事洩奉文查拏城太教匪無算獨  
袁氏一族數百家無入教者僉曰非處士規戒之  
力不及此嘉慶元年教匪蜂起於境營道遠駐脊  
垣鞭長莫及城口文武習知處士忠義且爲人所  
推重諭其國練鄉勇自備資斧率衆攻教子坪破

之奉陝甘總督宜委授八品軍功總領處士告奮  
勇充頭敵攻南津關屢捷三年三月十三日遇賊  
首張漢朝唐大信等衆寡不敵戰敗於青塢子被  
擄不屈罵賊身亡長子天毓亦遇害妻龐氏時避  
難寨居閩夫凶耗同日墜巖死嗚呼石頭並殉景  
倩之父子皆馨止水同樹萬里之夫妻並烈處士  
沒年五十七與妻合葬於竹園埧丙山壬向次子  
天顯大府以父忠烈授八品軍功不就三子天生

以



恩貢註選直隸州判孫汝楫補增廣生道光丙申冬予  
爲袁氏修譜言行之錄有慕於前賢金石之文竊  
慙於短筆謹徵行狀著於篇端或以備異日觀風  
者芻蕘之采云

陳處士暨妻王氏忠節合傳 洪錫疇

處士名遵還字本元行七湖北黃州府蘄州大同  
鄉人乾隆三十九年隨其祖獻珍遷蜀卜居太平  
后裕河即今城口九保五甲地也處士天性孝友  
志行慷慨有不侮不畏之風妻王氏河南唐縣人

城口廳志 卷二十 藝文 九十三

幼適處士端溫淑惠勤慎寡言嘉慶三年冬白蓮  
教首張士龍率衆數萬奔后裕河等處肆行焚掠  
廬舍皆墟處士攜妻及子避難於洞賊搜山尋至  
處士獨拒洞口持矛先刺一賊落澗餘賊大呼曰  
土豹子時賊稱鄉勇好利害也羣賊畢至賊首對  
山窺之號衆曰好一戰手必生致之處士據險守  
隘自午至晡與賊相拒賊首怒曰區區者而敢如  
此耶若再不降以大礮轟擊氏見勢危急泣謂處  
士曰彼欲生致何不詐降乘間而逸亦權爲退敵



之計處士曰汝輩奈何氏曰君去我便他遁處士  
頷之因與賊約不許賊入並拋出洞中什物以示  
空虛賊衆喜擁之去未幾聞被擄逃歸者曰處士  
至賊營不食亦不寢衆防守之翌晨拔營賊首令  
隨行處士厲聲曰無知亡命汝以我真降耶有死  
而已肯助逆哉即奪刀欲刃其首賊怒割其耳鼻  
罵猶不絕遂攢殺之刀痕遍體此十二月十二日  
也塋后裕河松山祖塋之側後大府奏其事  
予入太平昭忠祠氏於處士去後攜子遁免時三子皆

幼賊氛正熾乃於困苦流離中矢志撫孤襁負攜  
持保全無恙並撫育教誨迄於成立氏之慰所天  
而昌厥後者亦云至矣沒嘉慶二十四年秋九月  
壽五十一距處士遇害之日二十一年塋左岸河  
修山嶺之陽予三長守庸次守學道光三年食餼  
於庠次守身以吏滿考授從九前吳育生司馬爲  
處士夫妻作誌以旌其墓二十三年劉昉谷廳尊  
倡修邑乘因採訪得處士夫妻事實嘉其一忠一  
節卓卓可傳命立合傳云



李處士傳

洪錫疇

處士諱國忠字贊廷其先世由湖北麻城遷蜀之竹邑石橋舖乾隆四十三年始來廳九保高頭垵置業而家焉嘉慶初白蓮教滋事廳境多老林各處賊匪常出沒其間處士團練鄉勇於七保五里坡設卡堵禦三年十一月二十八日賊首張士龍等率衆數萬襲五里坡處士身冒石矢奮勇當先相拒移時賊至益衆見勢不敵遂退據將軍寨督衆修理牆柵爲保固計一境數百家賴以無虞時

城口廳志

卷二十

藝文

九十七

直隸太平廳鍾督理糧務聞其幹練諭辦軍餉

王師屢出其境支應無違誤衆贊大臣額給八品軍功由是益勤採運數載連馳提督穆復以勞績賞加六品頂戴令隨營効力處士曰吾儕小民幸保身家足矣功名何敢望也辭不就職以布衣終卒年六十有九其生平剛直公正多智畧善排解爲鄉人所敬服友愛昆弟出於天性於族之老而貧者養生葬死悉以身任遇歲歉粟貴輒減價平糶擔負者接踵於門活人無算遠近德之前直隸太平



廳

處士林常懷一家數口同時死難合傳

處士諱常懷湖北黃岡縣人乾隆元年隨父沐同一自籍入川之城口九保平坝復遷七保沱溪河置業而家焉嘉慶元年白蓮教匪倡亂處士携家避難於蓑衣洞青壩子四年二月賊首龍紹周唐大信熊世洪馮啟貴李合升等率眾數萬至境劫

城口廳志

卷二十

藝文

九十八

寨破洞肆行焚殺是月初六日賊搜山至青壩子破其洞執處士脅之降不從遂殺之並擄其子向陽之妻周氏妾史氏與胞嫂周氏皆不屈節死其幼子喜元及胞姪向貴表兄吳元悉遇害惟其妻張氏為子向陽竊負遁免氏矢志居孀毫無失德撫子向陽成立眼觀四世守節二十年終壽六十七有七



培修 聖廟序

署廳事李壽昌

江蘇常州府武進縣監生議叙通判

城口係川楚陝三省交界峰巒層疊林菁幽深上年為教匪出沒之藪及巨寇盪平分太平十保之三新置斯廳為北門之堽前丞吳秀良蒞任鳩工庀材建衙署立祠宇暨倉廩設學額撥廩增定賦課規模宏遠而城口遂為邊陲鎖鑰復因紳民之請據情上達

大憲俯准拓地於城之東南隅創修 聖廟始於道光二年落成於道光四年道光二十二年別駕

城口廳志

卷二十 藝文

續增陸拾陸

劉紹文接篆始行培修距前丞吳秀良十有八年光緒丁丑春余守斯土距別駕劉紹文又三十餘年仰瞻廟宇大都為風雨飄搖星霜薄蝕傾圮頽壞因下車伊始匆遽不遑兼之民貧地瘠乏款可籌所幸獄訟無多隨時訊結案無畱牘幕不言賓公餘之暇檢閱舊卷始悉各場原設義學漸致廢弛所有田畝應納租息虧欠不少就案清查綜核積年報銷浮冒之項計得錢伍百餘緡會同訓導熊永豪派令貢生刁智泉培修 聖廟並東關外



之奎星閣毀者易之損者增之塌者葺之污者丹  
漆之荒蕪者芟之刈之廟貌巍然耳目一新洵足  
以報明裡而崇聖學也竊歎聖人之道如日月之  
經天江河之行地苟能體諸一身推之四海皆準  
豈徒丹楹刻桷畫棟雕梁詡壯麗侈崇高哉然而  
宗廟美百官富閔中肆外不止焜耀一時况城口  
有三排八台百丈之山前河中河後河之水鬱葱  
佳氣蔚起人文棧樸菁莪之風鸞旂芹藻之化今  
當不異於古所云也是役也以六月興工九月歲

城口廳志

卷二十

藝文

續增集拾卷

事當其任者首事共計十人分理一切均著勤勞  
後之君子維持而培植之則斯文在天當與文光  
射斗共垂不朽云謹序





賑災記

署廳事李壽昌

城口去會垣二千餘里壤接熨巫界連秦楚萬山  
叢雜絕少良田惟產洋芋豆麥居人賴以養生然  
俗儉民純食不精鑿衣屏鮮華余於光緒己丑年  
曾守斯土其時歲樂民和閭閻靜謐歲在戊子兩  
賜愆期洋芋霉爛失種三保嗷嗷引領待哺倉儲  
遲久不發庚寅四月民不堪命相率入城求賑聚  
至數百人累日不散前任耿君恐滋事變稟請求  
代制憲以余在莅斯土奏委署理隨撥庫儲二

城口廳志

卷二

藝文

九十三

千兩檄余尅期往賑余於六月到任甫入境見道  
旁樹皮草根剝掘殆盡老幼壯弱散之四方道瑾  
相望慘不忍言履任後邀集同城僚屬閭廳紳耆  
商籌賑撫之策時連日晴明僉云新穀將登秋成  
可卜計民間乏食不過月餘耳入春以來豆麥各  
種概皆食盡與其盡散諸民仰屋坐食不若兼買  
籽種各給栽藝猶得資生不匱余亟趨之當選公  
正紳耆分地發銀如議妥辦匝月歲事倒懸涸轍  
以解以蘓欣戚悲愉前後頁具是賴



天心仁愛

皇澤涵濡與夫勦事諸公勤勞潔己以能成此飽煖之  
休也余何力之有焉然職膺民牧荒歉之後驟獲  
豐稔有不願而樂之者乎抑余猶有望者城口雖  
巖邑而廣輪三百里不少彬雅之才惟地僻偏隅  
秘苑圖書藏者絕少見聞較隘成就頗難因於稟  
銷賑款之後隨稟制憲請於錦江尊經兩書院  
中所刊書籍各發一部俾資觀覽以擴識知幸蒙  
允諾行見琳瑯縹碧輝映巖阿荒遠偏陬頓成  
城口廳志

二十卷 藝文

九十四

鄉壤福地十年之後人文蔚起甲第宏開可預卜  
焉是亦富而後教之意也夫爰連類而書以記之



葛城解組留別士民兼呈

同寅諸君子吟席

武進季壽昌康侯甫草

舊治重臨慕武鄉

廳有武侯志兵舊壘

撫綏慚愧古循良一官

甘受催科拙累月都因散賑忙漸喜鴻嗷音盡息

敢言魴困視如傷此心祇有天堪告靜夜虔焚一

辦香

論文樽酒續前緣彈指光陰十四年舊種芝蘭都

馥郁新栽桃李競鮮妍勉隨劉向傳經富

本年聘延黃申之廣

文李明經少白主講新城鳳逸兩書院

漫擬文翁化蜀賢遠致鄉媛書萬卷

城口廳志

卷二

藝文

九十三

勗哉多士好窮研

近為廳請得錦江尊經藏書百餘部

來時此地值凋殘滿目瘡痍那忍看補救信知剜

肉苦誠求真覺得心難饑驅納所伊誰咎頑梗嬰

刑令我歎話到哀矜應泣下敢輕民命重微官

和哀難得濟同寅半載周旋信夙因話雨西窗曾

剪燭銷魂南浦又逢春鳥聊敘翮非關倦鶴尚隨

身不算貧祇有別離情戀戀新城山水葛城民

